

# *MPHO YA MODIMO*

## *YE E PHUTHETŠWEGO*



Šegofala . . .

Ka mehla ke mo go botse go tla Ntlong ya Morena, eupša bokaonana kudu, go bonala o ka re, ka go tše, ke Krisemose le Ngwaga wo Moswa le matšatši a makgethwa. Go bonala o ka re e na le tšhegofatšo ye nnyane ya go ikgetha e re šaletšego. Gomme ge re . . . Go no befa kudu re ka se kgone go ba le maikutlo a a Krisemose nako yohle. Batho ba go šišinyetša, le go re, "Morena a go šegofatše." Seo ke se sebotse. Ke rata selo se tee sela ka Krisemose.

Bjale, ke be ke ekwa phathi ya Tetelo e fiwa ntle, ke a dumela, bakeng sa Mokibelo wa go latela bošego. Morena ge a rata, ke tla leka go ba mo nako yeo, ka phathing ya Tetelo, le go bea ka gare nako ya ka, ge Morena a rata, go ba thuša go bolela gannyane ka thuto tsoko bakeng sa Mokibelo wa go latela bošego. Gomme Lamorena mosong, ka nnete, ke sekolo sa rená sa Lamorena sa mehleng. Gomme Lamorena bošego ke tirelo ya boebangedi. Bjale . . . [Ngwanešu Neville o re, "Go hlatswa maoto, Lamorena le le latelago bošego, le gona." —Mor.] Ya. Selalelo, go hlapišana maoto, Lamorena le le latelago bošego. Yeo ke nnete. Tsela ye botse go thoma Ngwaga wo Moswa ntle, thwi, go tsea selalelo, go ba le go hlapišana maoto.

Bjale, ke nyaka go dira tsebišo ye, gore ke a kgopela gore ye ke ye nnyane, kopano ya go tswalelwá, boka, feela go badiša le badiša ba go go amana le tabarenékele, bahlokomelaphahlo le matikone a tabarenékele ye. Ke nagana gore ke mo go botse go rená go tla mmogo, gatee ka lebakana, le mohuta wa go hwetša ntle ka tsela ye Morena a re hlahlélagó. Gomme makga a mantši go na le dilo tše dinnyane di etla godimo, boka Mangwalo ao o tla a hwetšago, tše di tla bago thata. Gomme ge re sa . . . Re nyaka sa go swana, go bolela selo sa go swana, mogohle. Gomme re nyaka go tla mmogo.

Gomme ke nyaka lena badiša le badirišani: Nnete, Ngwanešu Neville, yoo a tla bago; le Ngwanešu Don Ruddell godimo fa, yo mongwe wa badirišani ba rená; le Ngwanešu Graham Snelling ka Utica; Ngwanešu Stricker fa, moromiwa wa rená; le mo . . . baena bao e lego badiša, Ngwanešu . . . ba go fapaná fa; Ngwanešu Parnell; gomme le a tseba gore badirišani ke bomang mo; Ngwanešu Junior Jackson, go tšwa tlase ka New Albany; gomme ka gona ma—ma matikone le bahlokomelaphahlo.

Ke le botša se ke ratago le se dira. Beke ye e tlagoo ye, go le dira go selipi se sennyane sa lephephe, le go ngwala ntle ka fale di—di dikgopolo goba di...ke tla re, go Mangwalo, goba mošomo wo mongwe wo o swanetšego go o tsenela, wo o ka nogo go se o tseba.

<sup>2</sup> Boka mohlokamelaphahlo a ka re, “Feeala mošomo wa ka ke eng ge molato wo o tšwelela?” “Mošomo wa ka ke eng, bjalo ka letikone, ge molato wo o tšwelela?” Gomme modiša a ka no re, “Ka go Lentšu le, *mo*, ke bona mo e bego e swanetše go ba *bjalo le bjalo*, gomme ga—ga ke Le kwešiše feela ka tsela ye re Le rutago. Gomme bea leo fase ka Lengwalong, le go ya pele.” Ka gona di neeleng tšohle ka gare, go Ngwanešu Wood, ge le ka rata, ka baka la gore o phela boagisani le nne. Gomme ka pela ge o hwetša ya gago e ngwadilwe, le ka pela ka fao o ka kgonago, ke tla e thabela, gore ke kgone go be ke e lebeletše godimo ka Mangwalong.

Gomme re tla ba le se. E sego...E be e se kopano ya setšhaba bjale. E no ba bakeng sa badiša, le ba tabarenenekele ye, le matikone le bahlokamelaphahlo ba tabarenenekele. Gomme seo se tla tla thwi, feela ka pela ge re ka kgona go di tliša ka gare. Gona re tla tsebiša bošego moo go sego—go sego dikopano tše di kgatlampanago fa, gomme ka gona re tla—re tla hlokomela seo nako yeo.

<sup>3</sup> Ke nagana e tla ba selo se sebotse, Ngwanešu Neville, ge bona baena, lena bohole badiša, le go ya pele, gore re ke re tle mmogo. Ka tsela yeo re ka bolela selo sa go swana, mogohle, le a bona, re a tseba. Gomme gona yeo e tla theipša, gape, dipotšišo tša rena le dikarabo tša rena di tla theipša, gomme ye nngwe le ye nngwe e ka ba le theipi, gore le ke le tsebe, go bapala morago, ka go taba ya e ka ba eng, potšišo efe kapa efe e tlagoo godimo, yeo e ka no ba go hola kereke. Goba yo mongwe o tla re, “Gabotse, se.” Re tla ya morago le go bona se se lego go theipi, e boletše. Re na le ditheipi tša tlhago yeo, di šetše. Gomme bjale re na le bahlokamelaphahlo ba baswa, ke a nagana, ngwaga wo, le—le matikone a mangwe a maswa, le go ya pele, gomme re rata go ba dira ba laelwa ka seo.

<sup>4</sup> Gomme ngwanešu yo monnyane yo, yoo ke yo mongwe wa baena ba rena go tšwa godimo fa ka Sellersburg, Ngwanešu Willard Crase, kgontha mo hweletše molaetsa wa yona, ge o ka kgona, gobane o no ba yo moswa Moreneng. Gomme—gomme ge baisa ba baswa ba, ke a nagana, ba ka kgona go hwetša go hloma, le bona se ke se rago, go no tseba mokgwa wa go swarelela. Gomme dipotšišo tše dinnyane di tla godimo ka monaganong wa bona. Go na le gore re tšhaba ka leoto le lengwe, a re tleng mmogo gomme—gomme re bone gore yohle ke ka eng. Ka gona ge re...dikopano tša rena, tše kgolo tša rena, dikopano tše mohlakanelwa, ge dikereke di kopana mmogo, go swana le ge re bile ka go sekgao se sa mafelelo, gona re—re tla tseba nako yeo

feela re tsee eng, le go bolela eng, feela se re ka se dirago. Bohle re nyaka go bolela leleme la go swana, gore re kwešiše.

<sup>5</sup> Bjale, selo se sengwe ke ratago go se bolela. Bjalo ka ge Ngwanešu Neville a boletše seo gabotse, re le kganyogela bokaonekaone ka go ditaba tše tsha mokete ka go nako ye ya—ya kopanelo go dikologa matšatši a makgethwa a, le go ya pele.

<sup>6</sup> Gomme ka gona ke nyaka go tsea nako ye go hlagiša, go yo mongwe le yo mongwe wa lena, ke leboga gakaakang go lena, bakeng sa dikarata tsha lena tsha Krisemose le dimpho, le dilo tše di amogetšwego ntlong ya ren. Ka kgontha ke a le leboga, ka pelo ya ka yohle. Ka kgontha e re dirile gabotse, mosong wo. Ge... Ke na le mošemanne yo monnyane, yo monnyane go lekanelo go le bjalo mohuta wa go nyaka mohlare wa Krisemose, gomme re bile le wona ka kamoreng. Gomme mosong wo, go ya ka tlase fale, ke hweditše dimpho tše mmalwa go tswa kerekeng ya ka fa, le bagwera ba ka go tswa tikologong ya mafelo a go fapano, ba ba tliego ka gare, ba di beile ka tlase ga mohlare. Gomme ga ke ne mantšu go hlagiša go lena se ke... ke leboga bjang yo mongwe le yo mongwe wa bona. Gomme a nke Modimo wa Legodimo a le šegofatše kudu, ke thapelo ya ka. Gomme bjale...

<sup>7</sup> Gomme ren, le tseba ka fao go tla bago, re ka se kgone go romela dimpho morago, gobane gore ke no se dire tshelete yeo ye ntši, le a tseba. Ke—ke dira ditolara tše lekgolo ka beke, gomme ke ne lapa le legolo, gomme e ka ba dimilione tše lesome tsha bagwera, gomme ka kgontha go tla ba mohuta wa bothata go ya go ba dikologa. Eupša re—re a le leboga le dikgopololo tsha lena. Gomme ke na le mnnete le a kwešiša.

<sup>8</sup> Bjale le se lebale bjo—bjo bo tlago bošego bja Ngwaga wo Moswa. Oo, ke elelwa phathi ya mathomo ya Tetelo nkilego ka ba le yona fa ka go tabarenekele ye. Ga ke thanke go ne e ka ba mang fa a e elelwago. Eupša e be e le bošego bjo bongwe Morena o tšere setatšhe se sentši go tswa go modiša wa lena. Kafao, re lebeletše pele go nako ye kgolo nako yeo.

<sup>9</sup> Gomme bjale, feela pele re rapela, ke tla rata go bala thuto ya Lengwalo bošegong bjo.

<sup>10</sup> Gomme ke bile mohuta wa go ngangišana le nnamong lehono. Ke—ke tsebiitše gore ke be ke eya go bolela ka yona, bošegong bjo, ge ke fihla mo, *Re Bone Naledi Ya Gagwe Ka Bohlabela, Gomme Re Ttile Go Mo Rapela*. Mohuta woo wa go kwagala go tlwaelega go nna. Gomme mogwera wa ren a wa go loka, Ngwanešu Sothmann fa, mo...yo mongwe wa bahlokamelaphahlo ba kereke, ke be ke tla mo kgopela. Gomme o rile, “Ke na le theipi ya yona, Ngwanešu Branham. O e rerile, felotsoko.” Gomme mogwera wa ren a yo bohlokwa, Ngwanešu Leo Mercier fa, mošemanne wa theipi, o rile, “Ee, e ka ba makga a mahlano.” Kafao, ke—ke e fetotše feela gannyane nthathana.

Gomme sebakeng sa go rera ka *Re Bone Naledi Ya Gagwe Ka Bohlabela*, Ke nyaka go bolela ka thuto, bosegong bjo, ya: *Mpho Ya Modimo Ye E Phuthetšwego*.

<sup>11</sup> Gomme bjale ke ya go bala go tšwa go Ebangedi ya Mokgethwa Mateo, te—te tema ya 2, bakeng sa palo ya Lengwalo, tema ya 2 ya Mokgethwa Mateo.

*Bjale ge Jesu a tswetšwe ka Bethlehem ya Judea ka matšatšing a Herode kgoši, bonang, go tlide banna ba bohlale go tšwa bohlabela go ya Jerusalema,*

*Ba re, O kae yena yoo a tswetšego Kgoši ya Bajuda? ka gore re bone naledi ya gagwe ka bohlabela, gomme re tlide go mo lotšha.*

*Ge Herode kgoši...a kwele dilo tše, o ile a tshwenyega, le Jerusalema yohle le yena.*

*Gomme ge a kgobokeditše bohle baprista ba bagolo le ba mangwalo le batho mmogo, a nyaka...bona moo Kriste a tla tswalwago.*

*Gomme ba rile go yena, Ka Bethlehem ya Judea: ka gore go ngwadilwe bjalo ke moprofeta,*

*Gomme wena Bethlehem, ka nageng ya Judea, ga o yo monyennyane gare ga dikgošana tša Juda: ka gore go wena go tla tšwa Mmušiši, yo a tla bušago batho ba ka Israele.*

*Ka gona Herode, ge ka sephiring a biditše banna ba bohlale, go ba botšiša ka tlhokomelo ke nako efe naledi e tšweletšego.*

*Gomme o ba rometše Bethlehem, gomme o rile, Eyang gomme le nyakišeng ngwana yo moswa ka kgonthe; gomme ge le mo hweditše, tlišang...lentšu gape, ntlišetseng lentšu gape, gore ke tle go mo lotšha le nna.*

*Ge ba kwele kgoši, ba tlogile; gomme, bonang, naledi, ye ba e bonego ka bohlabela, e ile pele ga bona, go fihla e tlide le go ema godimo moo ngwana yo moswa a bego a le gona.*

*Ge ba bone naledi, ba hlaletše ka lethabo le legolo go fetiša.*

*Gomme ge ba etla ka ntlong, ba bone ngwana yo moswa le Maria mmagwe, le go wela fase, le go mo lotšha:...ge ba butše mahumo a bona, gomme ba mo neela dimpho; tša gauta,...settolo, le seorelo.*

*Gomme ka go sebotšwa ke Modimo ka torong gore ga se ba swanela go boela go Herode, ba ile ka nageng ya bona beng ka tsela ye nngwe.*

<sup>12</sup> Bjale ke nyaka go tsea hlogotaba go tsha fao, bosegong bjo. Goba, e sego go tloga fao, eupša go tsha go kanegelo ya go swana, ka go Mokgethwa Luka 2:7.

*Gomme o tlišitše pele—o tlišitše pele morwa wa gagwe wa leitšibolo, gomme a mo potoka ka lešela la joko, gomme a mmea ka legopong; ka gore fao go be go se sebaka sa bona ka ngwakong wa baeti.*

<sup>13</sup> A re inamišeng dihlogo tsha rena bjale bakeng sa lentšu la thapelo.

<sup>14</sup> Modimo yo Mokgethwa le wa mogau, Yo a re filego Mpho ye kgolokgolo yeo lefase le kilego la ke la e tseba, Morena Jesu Kriste, ka go kokobela re tla go Wena, bosegong bjo, ka go ditebogo, le go hlagiša go beng ga rena ga ka garegare, mabobo a go teba a pelo ya rena, go Wena, bakeng sa Mpho ye botsebotse ye. Ga re ne selo go fana go boetša. Gomme e be e le ye nnyane kudu yeo O e kgopetšego; feela, “Etlang go Nna, lena bohole bao le katanago gomme le imelwa gagolo, gomme Ke tla tsea merwalo ya lena le dibe tsha lena, le go le lokolla.” Oo, a neetšano! Ga go yo a ka dirago seo eupša Wena, Tate wa rena. Gomme re a Go leboga gore O re diretše seo. Gomme re dihlatsi tsha Gago ka go iri ye, gore O tsea merwalo le dibe tsha rena, le go re fa thabo le khutšo, sebakeng. Re leboga bjang ka, Morena, bjo bja ka gare, boitemogelo bja Bokriste, Krisemose ka dipelong tsha rena. Re thabetše se. Re thabile kudu go tseba gore re phela ka letšatšing la mafelolo, ge re bona maswao a etla gape boka go bile ka letšatšing lela, a go batamela ga Gagwe. Re kokobetša dipelo tsha rena ka Bogoneng bja Gago, O Yo Mogolo Mohlomphegi. A nke Moya wa Gago o buše ka godimo ka pelong ya rena, ka maphelong a rena. Gomme re tiiše, go tsha ka gare go ya ka ntle, gore re be bahlanka ba Gago, ka go iri ye kgolo ye ya leswiswi yeo lefase bjale le lebanego.

<sup>15</sup> Re neela palo ye ya Lentšu la Gago, Morena, go Wena, bakeng sa morero o tee wo, gore, go tsha go Le, Moya wo Mokgethwa o ka no tliša mmogo kgwekgwe ye e tla lekanelago, bosegong bjo, bjalo ka Molaetsa wa Krisemose go batho ba Gago bao ba letilego. Gomme re letile go Wena. Morena, bolotsa dipounama tseo di tla bolelagoo, le ditsebe tseo di tla kwago. Gomme maatlafatša, le go bea Bophelo ka go Mantšu a a yago pele, gore a re tliše go tsebo ye kaonana ya Morena Jesu. Ka gore re e kgopela Leineng la Gagwe. Amene.

<sup>16</sup> Go ngwaleng fase Mangwalo a mantši mo go šupa go wona, le go ya pele. Ke ile ka makala, maabane, bjalo ka ge ke kwele seo. Ke topile pampiri, gomme moo go lego, se lefase la kgwebo le se bitšago, “Krisemose ya sentšwelakae,” moo gore go be go ne tšelete ye ntši e šomišwago nako ye go feta e kilego ya šomišwa ka go ye mentši, mengwaga ye mentši, ge e sa le go tloga moragorago mengwaga ye mentši ya go feta. Gomme gore

mašaba a kgobokane ka Jerusalema, le ka fao gore go be go le nako ye nnyane ya khutšo magareng ga Maarapo le Bajuda, gore ba mokgwa wa go hlephiša maikutlo a bona, go dumelela ba—ba baeti go tla ka toropongkgolo gape, ka sehla se sa—sa Krisemose.

<sup>17</sup> Ka mehla ke be ke makala gore ka baka la eng toropokgolo ye e be e ka kgethwa, Bethlehem.

<sup>18</sup> Bjalo ka ge magageso ale a opetše feela dinakwana di se kae tsa go feta, mo—mo moisa yo monnyane le mosadimogatša wa gagwe, le bana. Gomme fao ke be ke maketše, ke šeditše mosetsana yo monnyane, ka fao a bego a boloka nako le se, mohuta wo mongwe wa harepa ya senare ye a bego a e bapala. Gomme ka fao moisa yo monnyane yola a bego a sa no ba lesea, feela, eupša go le bjalo o be a bolokile nako feela le... goba a topa harepa ye. Ke a nagana e be e bitšwa harepa. Bjale, gomme ka gona ke...

<sup>19</sup> Go naganeng ka Bethlehem, gomme gobaneng go diregile go ba gore go be go kgethilwe go ba lefelobotswalelo la Kgoši ya dikgoši? Gomme, le a tseba, Bethlehem ke lefelo le lennyane, toropo ye nnyane kudu. Ka mehla ke be ke makala gobaneng Modimo a se a kgetha lefelo la bodumedi kudu bakeng sa yona, bakeng sa tiragalo ye kgolo ye, bjalo ka Silo. Silo e be e le lefelo la pele tente, areka e beilwego, ka morago ga ge e tshetše Jorodane. Goba Giligala, toropokgolo ye nngwe ye kgolo ya bodumedi; goba Tsione, godimo ga thaba, toropokgolo ye nngwe ye kgolo ya bodumedi; goba ebile le motsemošate wa go ikgantšha, wa Jerusalema, le bahlomphegi bohole ba wona le bakgethwa go kgabola lebaka. Gobaneng Modimo a se a kgetha Jerusalema?

<sup>20</sup> Gobaneng A ka kgetha Bethlehem? Mohlomongwe go be go lebega o ka re A ka be a kgethile lefelo le lengwe, ye tee ya ditoropokgolo tše kgolo tsa botšabelo, ye e ka bego e šireleditsé Morwa wa Gagwe ge go be go ka direga gore bothata bjo bongwe bo tle godimo. Mafelo a botšabelo boka Ramothe gileada. Bjoo e be e le botšabelo bjo bogolo bjo bo bego bo agilwe, ka gore batho ba be ba kgona go tšabela ka go ditora tše. Kadese e be e le toropokgolo ye nngwe ye kgolo ya botšabelo. Hebrone, toropokgolo ye nngwe ye kgolo ya botšabelo.

<sup>21</sup> Gobaneng Modimo o topile Bethlehem o monnyane, gomme morago a se kgethe ditoropokgolo tše kgolwane tše? Gomme di bile le maina a magolwane, le bokamorago bja semoya bjo bontši.

<sup>22</sup> Eupša, le a tseba, Modimo o na le tsela ya go dira dilo, feela tsela ya Gagwe Mong ka dilo. Ke thabile kudu O a dira. Le a bona? Dinako tše dingwe O tše dilo tše di se nago bokamorago bja semoya, goba di se nago bokamorago bjo bo itšego le gatee. Gomme ke ka lebaka leo A lego Modimo; A ka tše se sengwe seo e sego selo, le go dira se sengwe go tšwa go sona. Gomme, seo, seo ke se se Mo dirago Modimo. Seo ke se se re dirago Mo

rata. Seo ke se se re dirago batho ba go šokiša go Mo thabela, gobane ebole le ge re, diila, re se ne bokamorago, efela Modimo a ka dira dilo tše kgolo ka rena ge A ka tsoge a re tliša ka tlase ga taolo ya Gagwe.

<sup>23</sup> Joshua, ka nnete, e bile yena yo a tšeetšego bana ba Israele mošola, gomme a aroganya mabala. Gomme moloko wo wa Juda o filwe karolo ye moo Bethlehem e lego, ye e lego ka go sekhetlo sa godimodimo sa profense ya Juda, ntsekana ye nnyane yeo e sepelago boka phenensula ye nnyane. Gomme ka lefelong le, profense ye, profense ye kgolo ye, ke naga ya korong ya leboa, moo lepanta la korong le bego le le gona, moo ba godišago bontši bja korong le barley.

<sup>24</sup> Gomme yo mongwe wa barwa ba Kalebe o hlomile le go thoma toropokgolo ye. Salamone e be a le leina la gagwe, o be a le yo mongwe wa barwa ba Kalebe. Ge le nyaka go lebelela seo godimo, ke taboga ka godimo Mangwalo a mantsši a, eupša ke bona ba bangwe ba baena ba a bea fase. Ka go Dikoronika tša Pele 2:15-... Gape, le tla e hwetša ka go Mateo 1:5. Gomme moo ba, o hlomile le go thoma toropokgolo ye kgolo ye, e bego e le toropokgolo ye nnyane, eupša ke ye kgolo ka baka la dilo tše kgolo tše di diregilego ka toropongkgolo ye.

<sup>25</sup> Bjalo ka ge ka mehla ke boletše, ga se kereke ye kgolo; ke Modimo yo mogolo ka kerekeng. Ga se ye kgolo, thaba ye kgethwa; ke Moya wo Mokgethwa wo mogolo wo o bego o le thabeng. Ga se monna yo mokgethwa; ke Moya wo Mokgethwa ka go monna. Le a bona?

<sup>26</sup> Yeo ke tsela ye toropokgolo ye e bego e le ka gona. E be e le ye nnyane ka leemo, gomme kudu ka moeding, gomme e be e se ye ntši kudu go lebelela godimo ga yona. Setšhaba sa yona e be e le se sennyane, gomme se sa le lehono. Eupša e be e le ka gobane Modimo o e kgethile go dira se sengwe. Seo ke se ke se ratago, se sengwe seo Modimo a se kgethago. Ga go kgathale se e bogegago boka, go batho, feela ge Modimo a e kgethile.

<sup>27</sup> Rahaba seotswa, seo bohole re tlwaelanego le sona, yena go beng mo-mo mosetsana yo moswa yoo a išitšwego mo mokgotheng ke tate le mme ba bahetene, bao ba mmeilego mokgotheng gobane o be a le botse, gomme o be a swanetše go tliša letseno go bona, ka bommalegogwana. Gomme go le bjalo, tlase ka go mosetsana yo wa bohlaswa yo a išitšwego mokgotheng, o be a kwele gore go be go le Modimo Yo a arabilego thapelo. Gomme sebakabotse sa pele se a bilego naso, go amogela Modimo yoo goba go Mo direla se sengwe, o se dirile. Gomme Modimo o bolokile bophelo bja gagwe, le go phološa tatagwe le mmagwe, le lapa la gagwe. O ratane le mogenerale ka go sešole sa Israele, re hwetša ka go histori, gomme o nyetšwe ke mogeneralia yo. Gomme leratano la bona le be le makatša. Gomme mafelelong ba ile ba aga gomme ba dula ka Bethlehem.

<sup>28</sup> Gomme ka mogeneralo yo o tlišitše lefaseng mo—mo morwa, morwa wa—wa—wa... Ga ke kgone go nagana leina la mogeneralo feela bjale, ke be ke leka go. Ke naganne ke bile le leina la gagwe tlase fa, eupša ga ke. Ke na le leina la morwa wa gagwe, eupša e be e le morwa wa Rahaba go mogeneralo yo. Leina la gagwe e be e le Salamone. E sego Salomo yo a agilego tempele, morwa wa Dafida. Eupša, yo mongwe, Salamone, gomme Salamone yo o tlišitše pele morwa leina la gagwe e bego e le Boase. Gomme Boase, oo, bohole re tlwaelane le kanegelo yela ya go makatša ya Boase le Ruthe.

<sup>29</sup> Bjale, le a bona, seotswa se e be e le Montle, gomme e be e le makgolo wa bogologolo go Morena wa rena Jesu. Gomme gape ge—ge Boase, motlogolo wa gagwe, a etla pele le go nyala Ruthe Momoaba, gape o nyetše ka go Montle. Se se dirilego Jesu le yena karolo ya Montle, go bolela selefase. Ka gona ge ba tlišitše ngwana wa bona pele, leina la gagwe e be e le Obed. Gomme Obed o bile le morwa, gomme leina la gagwe e be e le Isai. Gomme Isai o bile le morwa yo leina la gagwe e bego e le Dafida. Sohle se se diregile ka go Bethlehem o monnyane. Ke eng? Lešika la Morena Jesu, bokamorago bja Gagwe bjoo banna ba bagolo ba semoya ba bego ba bo hlokonomologa, goba ba bitšwago banna ba semoya.

<sup>30</sup> Gomme e be e le godimo ga mabala a go swana ao Samuele moprofeta a tloditšego Dafida go ba kgoši godimo ga Israele, thwi mo ka Bethlehem. Gomme ka Dafida go tlie pele Morwa yo mogolo, “Wena Morwa wa Dafida,” Morwa yo a tswetšwego ka legopong le lennyane la setala godimo ka lehlakoreng la thaba, ka lehlakoreng la bodikela la toropokgolo. E bile fale godimo ga thaba yela moo Barongwa ba Modimo ba opetšego koša ya bona ya mathomo.

<sup>31</sup> Lentšu Bethlehem, a re le ripaganyeng fase. B-e-t-h e ra “ntlo.” E-l e ra “Modimo.” E-l-h-a-m go ra “Borotho.” “Ntlo ya Borotho bja Modimo.” E be e swanelo bjang gona bakeng sa Borotho bja Bophelo go tšwa Bethlehem, “Ntlo ya Borotho bja Modimo.” Oo! Ke kanegelo ye botse.

<sup>32</sup> E swanetše go ba e be e no ba gannyane ka morago ga leswiswi, gomme letšatši le be le diketše. Dinaledi ka kgonagalo di be di tšweletše, gomme seetša se be se le e ka ba diiri tše pedi se ile. Ge tonki ye nnyane e be e bea a yona a mannyane, maoto a go lapa godimo go bapa le lehlakore la morago la thaba, bodikela bja Bethlehem, ge a be a bogetše mo a beilego ditlhako tša gagwe tše nnyane, ka gore morwalo wa gagwe e be e le wo bohlokwa. Gomme Josefa o be a mo hlahlela ka boleta mmogo, ge boraro bjo bonnyane bo thoma go rotoga thaba, goba ba be ba sepela letšatši ka moka botelele, ba etla go tšwa tlase go ya Natsaretha. Gomme o be a letetše go ba mme ka nako efe kapa efe, a fetile go belega, mohlomongwe.

<sup>33</sup> Eupša dilo tšohle di beetšwepele ke Modimo, tše di šomago mmogo bakeng sa tše botse go bona bao ba Mo ratago. E be e beilwe ke Modimo gore go swanetše go ba kgoši ye e se nago pelo ka letšatšing leo, Herode wa go nyorelwa madi. Modimo o tsebile ka seo. Modimo o tsebile ka ga motšhelo, le ka fao mmušo wo wa sehlogo o bego o se ne dikgopolo tša kgaogelo go mme yola wa go šokiša yoo a bego a no ba kgauswi le go lokela go belega morwa wa gagwe wa leitšibolo, feela ka matšatšing a se makae. Eupša o laetše, gore, “Bohle ba swanetše go tla lefelong la bona bodudi bja setlogo la matswalo, le go patela motšhelo. Ga go kgathale o ka leemong lefe, o swanetše go tla, go le bjalo.” Modimo o tsebile tšohle ka seo. O tsebetšepele dilo tšohle. Gomme O—O tseba dilo tšohle, le a bona, gomme O dira se sengwe le se sengwe go šomela mmogo go tše botse.

<sup>34</sup> Boraro bjo bonnyane bo be bo sa dire kgakgano ka bjona, ge ba etla go rotoga thaba. Mafelelong, morago ga go tssetsela go gontši, tonki ye nnyane, ke kgona go ba bona ge ba be ba ema ntlhoreng ya thaba; moo... go tla godimo go tšwa lehlakoreng la bodikela, go tšwa Natsaretha, go tla godimo. Gomme morago ga ge ba tshetše thaba, go lebelela tlase ka moeding moo Bethlehem o monnyane a robetšego. Dithotše tše ntši di be di tuka. Batho ba bantši ba be ba kgobokane go tšwa gohole godimo ga Galelia, go tla lefelomatswalo la bona kua ka Bethlehem, le go kgabola profense, go lefišwa motšhelo wa mmušo wa Roma. Ga go kgathale ke maemo afe, ba be ba pitlagane go bapa tsela, balwetsi le bahloki, le bafokodifokodi, molephera, wa kankere, mo—mo—mo—mo moditšana, sehlotša, sefofu. Bohle ba be ba swanetše go tla, gobane e be e le taelo ya mmušo. Gomme Herode o be a le ka morago ga yona, gomme e swanetše go dirwa.

<sup>35</sup> Gomme ge phathi ya rena ye nnyane e ema ka ntlhoreng ya thaba, fao go swanetše go ba go bile letlapa le legolo le robetše fao. Gomme ke kgona go bona Josefa a mo kukela godimo, ka boleta, ka matsogong a gagwe, le go mo thuša go fologa go mmoula wo monnyane, le—le go mmea godimo ka lehlakoreng la leswika. Gomme mmoula wo monnyane o fegelwa mohemo wa gagwe. Gomme ge Josefa nako yeo a sepeletše dikgato di se kae pele, o lebeletše tlase ka go Bethlehem o monnyane, le go bona mekgotha e le semenyamenya, le go rora, le dirumula di tuka mo mekgotheng, le mekgoši ya batho. Gomme ba be ba robetše ka dijarateng le ka dikgorong, gomme gohole ka ntle ga dikgoro tša toropokgolo. E swanetše go be e be e le ponagalo!

<sup>36</sup> Josefa o swanetše go be a boletše se sengwe boka se. “Maria, morategi, e no nagana. Feel a mošola wa toropokgolo, ka lehlakoreng la leboa, ke moo Ruthe Momoaba a go budutša mošola ka mašemong a Boase. Mošola, feela ka godimo ga seo, godimo ka godimo ga thaba mošola, ke moo Dafida, ka seragamabje sa gagwe, a wešeditšego tau mobung, gomme a goga nku go tšwa molomong wa gagwe. Go swanetše go ba go bile fale,

gore moo Joshua a emego fa ka tšoša ya gagwe ya go pekenya, mohlabani wa go hloka poifo wa batho ba rena, le go aroganya dinaga, le go fa bohwa bjo go moloko wa Juda, go ona, moratiwa, re lego lešika go wona.” Gomme go dilo tša go fapania, tša ka fao a swanetšego go be a mo hlathollela se se diregilego.

<sup>37</sup> Gomme ka gona go se kwe modumo go tšwa ka morago ga gagwe, o swanetše go be a retologile go lebelela, go bona ge eba o be a sa dutše leswikeng. Gomme ge a retologile, gomme o bone sefahlego sa gagwe se sebotse se retologile go leba mafaufaung, o be a se a swanela go botšiša gape, gobane ponagatšo ya Naledi e be e lebeletše morago go kgabola mahlo a gagwe. O tsebile o be a lebeletše Sengwe.

<sup>38</sup> Gomme a mo lebelela, gomme a re, “Josefa, a o etše hloko Naledi e lekeletšego ka kua?”

<sup>39</sup> Gomme ge a lebeletše, gomme sa go makatša, a re, “Ke be ke se ka E lemoga pele, morategi.”

<sup>40</sup> “Gabotse, E re latetše ge e sa le letšatši le diketše. Ke E šeditše. E swanetše go ra se sengwe, gobane ke ne maikutlo a go makatša kudukudu.”

<sup>41</sup> Le a tseba, Modimo o dira dilo boka tše, dinako tše dingwe, bakeng sa batho ba Gagwe, go re laetša Seetša, goba tsela ye nngwe ye re ka kgonago go tseba gore O kgauswi gomme O lefelong la tiragalo. Ga go kgathale se lefase le swanetšego go se bolela goba go se dira, O sa le fao, gomme se sengwe le se sengwe se tla loka. O no e hlatsetša morago, ka Moya wo Mokgethwa, gore re kgone go O kwa.

<sup>42</sup> Gomme Josefa a ka no ba a boletše se sengwe boka se. “Maria, o a tseba ke eng? Ga se nke ka ke ka thaba kudu bophelong bja ka bjohle. Ge, ke gapetšwe go dikologa ke mmušo wa Roma, eupša go le bjalo ga se ka ke ka thaba kudu bjalo ka ge ke le thwi bjale, gomme ga ke tsebe gore ka baka la eng. Go bonala eke go ne bokgethwa godimo ga toropokgolo ye nnyane, bošegong bjo, moo re thathilego ge re be re le bašemane le basetsana, morago ka go mengwaga le lebaka la rena la boswa.”

<sup>43</sup> Tsela go ya ka Bohlabela, gomme makgolo a mantši a dimaele kgole go tloga fao, Ba bohlale ba be ba šetše ba le tseleng ya bona. Ba be ba bone Naledi ya Gagwe, gomme ba be ba etla go lotšha Sephuthelwana se sennyane sa Mpho ya Modimo se A bego a se romela lefaseng.

<sup>44</sup> Feela sebakanyana se sennyane go tloga nako yeo, gomme lefase le be le eya go amogela Mpho ya lona ye kgolokgolo yeo le kilego la e amogela, Sephuthelwana se sennyane se phuthetšwe. Se sennyane, Sephuthelwana sa mathomo se sennyane sa Krisemose se kilego sa phuthelwa, ka go lefase lohle, Modimo o Se phuthetše godimo. Ke nyaka go šwahlela ka gare go kgopoloo ya ka, le go bolela se. Selo se segologolo se kilego sa ke se phuthelwa ka nameng ya motho se ile sa phuthelwa ka go Sona.

Modimo ka Boyena o phuthetšwe ka Boyena bja Gagwe Mong ka go sephuthelwana sa Krisemose gomme a Se romela lefaseng.

<sup>45</sup> Gobaneng ba Se ganne? Gobaneng ba sa kgone go Se bona? Gobaneng ba Se ganne? Gobaneng ba se ba Se nyaka? Lebaka la go swana ba sa Se nyakego bošegong bjo. Se be se se sa neelwa go bona ka setlwaeding seo ba bego ba tlwaetše dimpho di fiwa. Ke ka baka leo Se gannwego bjale, bošegong bjo, ke ka gobane ga se Sa neelwa batho ka setlwaeding seo ba tlwaetše go amogela dimpho.

<sup>46</sup> Eupša Modimo o phuthela Sephuthelwana sa Gagwe Mong. O na le tokelo ya go se dira, Ke Yena a Se fago. O na le tokelo ya go Se phuthela ka tsela efe kapa efe A nyakago go Se phuthela. Ga go dire phapano e ka ba efe ka fao se lego, O ne tokelo go e dira gobane ke Yena yoo a fago mp—mp Mpho.

<sup>47</sup> Selo se sengwe, lebaka la sona e bile, bjalo ka ge go bile nako yela, ka fao bjalo ka ge go be go se setlwaedi go bona go E amogela ka tsela ye E bego e phuthetšwe. Ba be ba letile se sengwe, mpho e etla, yeo e tla tlago tlase ka dikoloi, le phelegetšo ya Morongwa a otlela dipere tša mollo. Eupša ge E etla bjalo ka Lesea le lennyane le tswalwa ka legopong, ba be ba sa tsebe Lengwalo le rile, “Ke tla fa lefase le leswao la godimodimo.”

<sup>48</sup> Ba kgopetše leswao, letšatši le lengwe. O rile, “Ke tla go fa lona. E tla ba leswao la godimodimo. E tla ba leswao le le tla tšeago go kgabola mabaka ohle. Kgarebe e tla ima gomme e tla belega Ngwana, Morwa, gomme ba tla bitša Leina la Gagwe ‘Imanuele.’ Leo ke leswao la godimodimo. Yeo ke Mpho ye Ke yago go e fa.” Eupša ga se Ya tla ka tsela ye ba bego ba E letetše, gomme ba E ganne.

<sup>49</sup> Kafao go bjalo bošegong bjo, ngwanešu. Mpho ya Modimo ga se ya tla ka tsela ye batho ba E nyakago e etla, gomme kafao ba E ganne. Ga ba E nyake. Ba E nyaka e phuthetšwe ka mohuta wa diphahlo tšebo ba nyakago go E phuthela ka tšona. Ba nyaka magadigadi godimo ga Yona. Ba nyaka se sengwe sa matšoba, se sengwe seo se nkgelago bose, se sengwe seo se phadimago, se sengwe seo se lego sa maemo. Eupša Modimo ga a E romele nako yohle ka mokgwa woo. O E romela ka maatleng, ka tsela ye A nyakago go E romela.

<sup>50</sup> Selo se sengwe, E tlišitšwe ke bahloki. Maria, le Mareta—Mareta, ke ra gore, goba... Maria le Josefa e be e le batho ba badiidi kudu. Ba be ba le babotlana. Gomme ka gobane E tlišitšwe ke bahloki, ba be ba sa E nyake.

<sup>51</sup> Go bjalo le lehono. Ge Mpho ye kgolo ye ya Kereke, Moya wo Mokgethwa, o wela godimo ga bahloki le baikokobetsi, bahumi ga ba O nyake. Ga ba nyake go ikokobetsa bonabeng. Ba O nyaka ka maemo, eupša ga ba O nyake ka tsela ye Modimo a O romelago. Batho ba bantsi ba nyaka go amogela Moya wo Mokgethwa, eupša—eupša ba nyaka go O hwetša ka tsela ye ba O nyakago.

Eupša, oo, ke thabile kudu gore le ka se kgone go e dira ka tsela yeo. O swanetše go e dira ka tsela ye Modimo a E romelago go wena, le go ikokobetša renabeng go E amogela.

<sup>52</sup> E be e se ya phuthelwa ka mašela a makaone. E be e phuthetšwe ka lešela la go potoka. E logo, ke rutilwe gore sona selo seo Jesu a phuthetšwego ka go sona, Kriste, e be e le dilo go tšwa morago ga joko ya pholo, tše di bego di lekeletše ka setaleng. O be a phuthetšwe ka lešela la go potoka, e be e le—le...moo ba beilego le...lešela go dikologa joko ya pholo, go e šireletša go gohleng lephone go yena ge a be a goga. Bona, ga se ba be le diaparo bakeng sa Gagwe. Gomme bona...Oo, ge ke nagana ka seo, go nyakile go roba pelo ya ka; go se diaparo bakeng sa Imanuele, Mohlodi wa Magodimo le lefase. Gomme go se diaparo bakeng sa Gagwe go apara, gomme o be a swanetše go phuthelwa ka go lešela leo pholo e bego e šoma molala wa yona go le kgabola. Oo, a leswao la godimodimo!

<sup>53</sup> E swanetše go ba kgonthe kgogedi go batho. Jehofa yo monnyane, a lla boka lesea. Modimo, a dirilwe nama, ka Sephuthelwaneng. Modimo, Yo a khupetšago sekgoBa sohle le nako, o be a le pele go eba lefase, goba naledi, goba molekule, a iphuthela ka Boyena ka Sephuthelwaneng se sennyane gomme a latšwa ka legopong; ka setaleng, moo maloko a dikgomo le dinku, le dilo; godimo ga setala sela, le ka legopong le lennyane le, godimo ga lehlaka goba bjang. Jehofa o be a robetše fale, a lla boka lesea. A le kgona go e eleletša?

<sup>54</sup> Gobaneng, bahumi ga se ba nyake selo boka seo. Seo se tla tšhilafatša dikgopolو tša bona beng, e ka ba eng go kokobelka kudu. Gomme o be a tla tlišwa ke mosetsana, mosetsana yo monnyane wa mmotlana yo a bego a tšewa, ka boagišaneng bja gagwe, le—le lehlanya; le ka mmetli yo go molaleng a tsebilego boABC ba gagwe. Gomme ba be ba ka kgona bjang go tsoge ba tšweletša e ka ba eng e bego e ka kgona go šoma goba go thabiša mahlo a batsebalegi? Ba be ba ka tsoge ba kgona bjang go tšweletša se sengwe seo se ka kgahlago goba go kgotsofatša ba go huma, batho ba megopolو ya godimo, goba dikerekemaina tša matšatši a tšona? Ba ile ba ganwa, nnang.

<sup>55</sup> E sego feela ka letšatšing leo, eupša ka letšatšing le, gape. Ba E gana, nnang. Ga E tle go phuthelwa ka tsela ye ba E nyakago. Ba nyaka go—go E lahla, ba re, "Ga go selo go Yona." Ka fao bahumi le dikerekemaina ba gana Mpho yeo. Ga se ba be le selo go dira le Yona. Gobaneng? Gobaneng ba ka dira selo boka seo? E be e se ya phuthelwa ka setlwaeding sa dithutotumelo tša bona. Leo ke lebaka gobaneng, lehono, gore ga ba nyake Mpho ya Modimo. United States ye ga e nyake Modimo. Dikereke tše ga di nyake Modimo. Di nyaka Santa Claus. Ba nyaka se sengwe ka mebala ya magadigadi le bohubedu, le—le—le—le sa go phadima, selo sa go phatsima. Ba gana Therešo ya Ebangedi, ya Maatla le

tsogo ya Kriste Jesu. E ka se phuthele ka dithutotumelo tša bona. O ka se kgone go phuthela Kriste ka go thutotumelo.

<sup>56</sup> Ke be ke theeditše, mosong wo, ge ke be ke eya tlase ga mama, ka leselaphutiana, ka bulela seyalemoya. Gomme ke—ke kereke e be e tsopola goba e re...ye e bitšwago, Thutotumelo ya Baapostola. Ga go selo se sebjalo.

<sup>57</sup> Thutotumelo e nnoši yeo baapostola ba kilego ba tseba go ba le yona, e hwetšwa ka go Ditiro 2:38, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste, bakeng sa go tloswa ga dibe tša lena. Le tla amogela neo ya Moya wo Mokgethwa.” Yeo ke thutotumelo e nnoši nkilego ka e bona, ka Beibeleng, ba kilego ba e šomiša.

<sup>58</sup> Ye nngwe ye ke thutotumelo ya madirwakemotho. Gomme o ka se kgone go phuthela Kriste ka go thutotumelo ya Presbyterian, goba ka go thutotumelo ya Baptist, goba thutotumelo ya Katoliki, goba thutotumelo ya Pentecostal. Selo se tee se nnoši seo Kriste a tlago phuthelwa ka go sona, gomme seo ke pelo ya gago, e sego thutotumelo ya gago. O nyaka pelo ya gago. O na le tora ya taolo fale yeo A ratago go šoma le wena, go go tliša Bophelong bjo Bosafelego. O no se amogelete; gomme o ka se Mo phuthele ka go dithutotumelo. O ka se kgone nako yeo; o ka se kgone bjale. O ka se tsoge o kgonne go e dira.

<sup>59</sup> Kafao, ga se ba kgone go O amogela, gobane ba naganne kudu ka dithutotumelo tša bona go feta ba dirile ka Mpho.

<sup>60</sup> Ke ka tsela ye go lego lehono. Batho ga ba kgone go amogela go bolela ka maleme, ka kerekeng ya bona. E tla senya thutotumelo ya bona. Ba ka se kgone go amogela phodišo Kgethwa, kolobetšo ya Moya wo Mokgethwa, le Dithuto tše kgolo bjalo tša boebangedi tša Beibele, Ditherešo tša boapostola. Gobaneng? Ka gobane thutotumelo ya bona e a O ahlola. Oo, bošilo bjang, go tše pampiri ye Sephuthelwana se phuthetšwego ka go yona gomme wa lahla Mpho. Go swana le setseketeke, o tšere lepokisi gomme a le amogela, gomme a lahla mpho. Yeo ke tsela ye kerekeng e lego, gomme batho ba a dira lehono, ba lebala gore Mpho ya Modimo ke Bophelo bjo Bosafelego ka Jesu Kriste. O ganwa kudu lehono go swana le ge A bile nako yela. Bošego bjo bja Krisemose, O sa tšwa go ganwa kudu bjalo ka ge A bile bošegong bja mathomo bja Krisemose. Ba ka se kgone go e dira, ka gobane e ganetšane le dithutotumelo tša bona. Gohle go theoga go kgabola mabaka, re bile le selo sa go swana.

<sup>61</sup> Ga go makatše go be go se sekgoba go Yena ngwakong wa baeti. Aowa. E be e se ya phuthelwa gabotse; E be e se ya phuthelwa, pampiri ya maemo go E dikologa. E be e phuthetšwe bjalo ka Mpho, bjalo ka Mpho go tšwa go Modimo, e rometšwe go tšwa go Modimo, Modimo yo ba bego ba sa tsebe selo ka yena. Ba teleima ba dirile. Gomme ba teleima ba be ba Mo lebeletše. Eupša ga se A tla ka tsela ye ba nagannego O be a etla, go ya ka

dithutotumelo tša bona, gomme ga se ba kgone go amogela Mpho ya Modimo. O be a phuthetšwe go fapan. O be a phuthetšwe godimo bjalo ka lesea. O be a tswetšwe ka legopong. O be a etšwa go batho ba go diila. O tšwa go sehlopha sa “mahlanya,” kafao ba ka kgona bjang go amogela se sengwe boka seo? Ga go makatše go be go se sekgoba go Yena ngwakong wa baeti.

<sup>62</sup> Ga go kamora bakeng sa Gagwe, go le bjalo, ka dikerekeng. Ba Mo šušutše. Ga ba dumele ka go Wona. Ba tla re, “Kgole ka Selo se sebjalo! Ke bohlanya. Ga re nyake selo go dira le Wona. Se kgahlanong le dithuto tša botate ba rena, dithuto tša kereke ye, dithuto tša dithutotumelo tša rena borakgolokhukhu ba rena.” Kagona, Kriste o no ganwa lehono bjalo ka ge A bile morago fale. Ga go sekgoba, bosegong bjo, ka dikerekeng tša rena tše botse, dikereke tša rena tše kgolo, dikereke tša rena tše kaone. Ga go sekgoba ka dikgaolong tša rena tše bodumedi, lehono, bakeng sa kopano ya Moya wo Mokgethwa. Ga ba O nyake. Wona, O a ba nyatšiša mahlong a ba maemo ba naga. O a ba nyatšiša go nagana gore ba ikokobeditše bonabeng go tla tlase aletareng, go lla le go leta kua go fihla ba tladitšwe ka Maatla go tšwa Godimo, go tsoga go tšwa kua ka boswa bja Bophelo; go dumelela basadi go tlogela moriri wa bona go golela ntłe, le go dira ka mo basadi ba swanetšego; go dira banna go lahla disekerete tša bona, le go tlogela go nwa ga bona, le go swara malapa a bona gabotse. Ke bontši kudu go bona. Kafao ba swarelala go thutotumelo ya bona, ya kereke ya bona, sebakeng sa go amogela Mpho ya Modimo, Mpho ya Modimo ya Krisemose.

<sup>63</sup> Bokaone ba be le thutotumelo go feta ba tla dira Mpho, bokaone ba be le pampiri go feta Mpho. Ba nyaka lephepha, nnete, se sengwe seo e lego magadigadi ohle, bontši bja go baka ba ka kgonago go dira ka sona. Eupša Mpho ya kgonthe yeo e lego ka gare ga yona, ga ba E nyake. Le a bona?

<sup>64</sup> O be a phuthetšwe, nako yeo, ka go lešela la ditšhila, lešela la go potoka. Gomme O phuthetšwe, lehono, ka go selo sa go swana, se ba se bitsago, “mopshikologimokgethwa, bohlanya, sehlopha sa mahlanya.” E phuthetšwe godimo ka lešela la go potoka, gomme lefase ga le E nyake. Oo! Ke thabile kudu go phagamiša lešela lela. Go lebelela se se robetšego ka tlase ga lona: Bophelo bjo Bosafelego, Modimo, a dirilwe nama le go dula magareng ga rena.

<sup>65</sup> Aowa, ba be ba sa Mo nyake. E tsenatsene dikgao tša bona tša bodumedi.

<sup>66</sup> Go O amogela, lehono, O a ba tsenatsena. Oo, ge yo mongwe a ka tsoga ka kerekeng, gomme a thoma go goelela, goba go tumiša Modimo, goba yo mongwe a re, “Amene,” boka sehlopha se sa badiredi fa, se sengwe, goba ka go batheeletši, ka pela modiši o tla ba hlahlela lebating. Gomme ge o bile le leina la gago

pukung, le tla tlošwa ka pela. Le a bona? Modimo ga a ne momo monyetla.

<sup>67</sup> Ge Mopresidente mokgethiwa, Kennedy, a ka etela toropokgolo ye fa, difolaga di tla—di tla fofa, gomme ma—ma magadigadi a tla fofa, gomme—gomme dikhapete di tla be di tokologela ntle, gomme—gomme kamogelo ye bjalo o—o sa kago wa ke wa e bona. Yeo, go lokile ge ba nyaka go dira seo. Yena ke Mopresidente mokgethiwa wa United States. Eupša ge a ka tla, ba—ba tla dira tšohle tša tše, gomme ba tla mo fa kamogelo ye kgolokgolo kudu, le go nagana, gore, “O ikokobeditše yenamong go tla go toropokgolo ye nnyane bjalo ka Jeffersonville, Indiana, ge New York le ditoropokgolo tše kgolo di mmitša, mogohle, feela bakeng sa nakwana ya nako, go bolela le yena.” Ge a ka tla Jeffersonville, go toropokgolo ya go šokiša boka ya rena, ka fao ba tla aparago, se re se bitšago, “mpša.” Gomme ba tla dira se sengwe le se sengwe, le—le go apeša mekgotha, le—le go dira se sengwe le se sengwe go mo dira a amogelege. Seo se lokile, ge o le radipolitiki. Seo se lokile.

<sup>68</sup> Eupša Jesu a ka kgona go tla ka sebopego sa tsogo ya Maatla a Gagwe, a ka kgona go tla ka Moya wo Mokgethwa, le go kgona go bontšha maswao le matete, gomme kuranta ye nngwe le ye nngwe e tla E swaswalatša. Batho ba tla E bitša, “bapshikologibakgethwa.” Ba tla re, “Batho ba a gafa.” Ga go makatše re na le pomo ya athomo le leina la rena le ngwadilwe godimo ga yona. Go gana kgaogelo, ga se gona se šetšego eupša kahlolo. Oo, ba ka se O amogelete. Ga se ba dira nako yela. Ba ka se ke bjale.

<sup>69</sup> Gobaneng ba se ba e dira? Ke no nyaka go botšiša, gobaneng ba se ba fa, go amogela Mpho ya Modimo ya Krisemose? Gobaneng ba se ba e dira, ba e dira? Ge e no ba mpho yeo ba ka bego ba e lebeletše, gomme E be e swanetše ka go sosaete ya bona, E ka be e lokile. Ge ya rena . . .

<sup>70</sup> Ge bodumedi bjo bja Moya wo Mokgethwa bo ka lekanelka ka go sosaete ya batho lehono, ba tla O tše. Gabotse, gobaneng ba sa O tše, gona? Gobane ba nagana kudu ka sosaete ya bona go feta ba dira ka Kriste. Yeo ke therešo.

O re, “O bolela thata kudu ka Yena.”

<sup>71</sup> Ke a Mo emelegelela. Yena ke Morena wa ka. Ke na le . . . Ke—ke—ke nna mohlanka wa Gagwe. Ke na le tokelo ya go goelela ntle kgahlanong le seo se fošagetše. Seo ke therešo. Gomme Bakriste ba dumela seo, le go tseba seo, le go amogela seo, le go tseba ke Therešo.

<sup>72</sup> Lebaka e be e le eng ba se ba amogela Sephuthelwana se se phuthetšwego se? Ba tsebile se se bego se le ka gare ga Sona, gomme ba be ba sa Se nyake.

<sup>73</sup> Ke ka baka leo dikereke le batho, lehono, le mebušo ka dinageng, ba ka se amogelete Mpho ya Modimo ya Krisemose,

ke ka gobane ba tseba se se lego ka go Yona. Ga ba E nyake. E tla dira basadi go itshwara go fapana. E tla dira banna go itshwara go fapana. O tla swanela go rwala leina la “lehlanya.” O tla swanela go tsea tsela le banyašiwa ba se bakae ba Morena. O tla swanela go hlwekiša bophelo bja gago. O tla swanela go tlogela makoko a gago. O tla swanela go tlogela go dira phošo, go radia, go utswa, go aketša, go dira bootswa. O tla swanela go emiša dilo tše. Gomme batho ga ba O nyake. Le ge ba ka tseba O lokile, eupša ga ba O nyake. E tliša Therešo ye ntši kudu go bona. E apola dibe tša bona, kafao kagona ga ba E nyake, ga ba nyake selo go dira le Yona. “Tlogang go Yona.”

<sup>74</sup> Yeo ke tsela ye go bego go le ka gona ka letšatšing lela. Ba be ba tseba se se bego se phuthetšwe ka go Sona, ka fao ba rile, “Kgole ka Sona.”

<sup>75</sup> Ga ba O nyake. Ke selo sa go swana, lehono, ga se nke ba O nyaka. Gomme ga ba nyake Moya wo Mokgethwa, lehono, ke ka gobane ba tseba se se phuthetšwe ka go Wona. Ba ka šetša momo motho a amogela Moya wo Mokgethwa. Ba eme ntle kua le go bona gore mosadi yola, mohlomongwe wa fasefase ka mo a bego a kgona go ba, go fihla ebile le dimpša di ka se mo lebelele; le go bona mosadi yola a etla godimo go tšwa aletareng yela, motho yo moswa; go bona mosadi yola a hlwekiša bophelo bja gagwe, a tšwela ntłe le go dira bjalo ka mohumagadi. Ba bona yo motee yo a kitimelago go diphathi tša leporogo, a kgoga diphakete tše nne goba tše tlhano tša disekerete ka letšatši, a hlehla go dikologa dipotso, tumpu wa mehleng; gomme ba a tseba, ge ba ka tsoge ba amogela Mpho ye ya Modimo, E phuthetšwego ka go Sephuthelwana se se bitšwago Jesu Kriste, E tla senya nthathana ye nngwe le ye nngwe ya ditiro tša bona tša lefase, gobane A ka se emele seo. E dira se sengwe go bona, E fetola batho. Batho ga ba nyake go fetolwa. Bona, “Ntese ke nnoši.”

<sup>76</sup> E nkeletša motho yola wa go swarwa ke matimone. Gore, Jesu o ile godimo ka Gadara, gomme go be go le monna godimo kua, o be a ne bodiabolo ba dikete tše pedi ka go yena. Gomme ba rile, “Gobaneng re sa . . . Re swanetše go dira eng ka Wena? Gobaneng O etla fa? Tlogela dinaga tša rena. Ga re Go nyake mo.” Ba be ba nyaka go tlogelwa ba nnoši. Batho ba ikwetše bokaone, ba le gae, le bodiabolo, go feta ba dirile ka Jesu. Kafao ba rile, “Eya pele ka ntłe ga naga ya rena, ga re Go nyake godimo mo.”

<sup>77</sup> Madira wa kgale wa go šokiša, o be a le yena a nnoši yoo—yoo a nyakilego thušo. Ka mehla O tla go bale ba ba Mo nyakago. O tla go bao ba Mo hlokago. Kafao, o be a le yena a nnoši a thušitšwego. Ka mehla ke be ke gopola, ge ke fihla Legodimong, Ke nyaka go bona ke bontši gakaakang—ke boima bjo bontši gakaakang bopaki bja gagwe bo filwego go barui ba dikolobe godimo ka Gadara. Go lokile, ge eba eya go ba bitša mohlape wa dikolobe, ba be ba sa nyake tsošeletšo.

<sup>78</sup> Ge go eya go bitša batho e ka ba eng, ga ba nyake selo go dira le Ŷona. Ke ka tsela ye go lego lehono, ge O eya go le bitša diphathi tša lena tša panko, makga a magolo, sikara sa lena, metlae ya lena ya ditšhila, tšhila yohle le dilo tša lefase. Lebaka le ba sa O nyakego, O tla ba bitša se sengwe, leina la gago le legolo la sosaete le bontši bja go phatsima go lona.

<sup>79</sup> Eupša O tla go fa leina le le ngwadilwego ka Pukung ya Kwana ya Bophelo, le le sa nyamalalego. Ka fao, tšea kgetho ya gago. O moemedi wa tokologo ya maitshwaro. Oo! Amogela Mpho ya Modimo ya Krisemose, ke thapelo ya ka—ya ka go wena. Ee.

<sup>80</sup> Ga ba E nyake, gobane E dira se sengwe go bona. Goba, a mmušo o dirile? Mmušo ga se o Mo nyake. Herode ga se a Mo nyaka. Aowa, mohlomphegi. Ka baka la gobaneng? O be a eya go fetola lenaneo la gagwe.

<sup>81</sup> Gomme mmušo ga o Mo nyake, lehono. Re swanetše go ba setšhaba sa Bokriste.

<sup>82</sup> Gobaneng, UN ga e Mo nyake. Ba tla tšea kgopolو ye nngwe le ye nngwe ka lefaseng ntle le ya Gagwe. Ba ka se tsoge ba neela thapelo. Ga go thapelo go tšona diripa. Ba no ya ka fale gomme “mpša eja mpša,” bjalo ka ge tlhagišo ya kgale e etšwa mokgotheng. Ga ba nyake Kriste. O tla swanela go fetola mananeo a bona, kagona ga ba Mo nyake. Ba be ba sa Mo nyake nako yela. Ga ba Mo nyake bjale.

<sup>83</sup> Dikereke di be di sa Mo nyake, gobane O ganana le dithutotumelo tša tšona. O ba biditše gore ba be ba le, o rile, “Lena moloko wa marabe, lena maboto a mašweu.” O ba biditše se sengwe le se sengwe seo se ka go rutwa. O biditše Herode wa kgale, o rile, “Eya o botše phukubje yela.” Gomme ke eng e tšhilafetšego go feta phukubje? Ke eng sa go nkga le go ba fase go feta phukubje ya kgale ya ditšhila? Jesu o rile, “Seo ke se a lego sona.” Kafao, O—O—O biditše boso “boso,” le bošweu “bošweu.” O—O—O biditše phošo “phošo,” gomme nnete “nnete.” Kafao, ba be ba sa nyake seo.

<sup>84</sup> Dikereke lehono ga di nyake modiša a tladišwego ka Moya wo Mokgethwa, yoo ka kgonthe a tla e bedišago ntle, le go le botša se se lokilego le se se fošagetšego. Ga ba se nyake. Ba tla mo raka, thwi ka pela. Pote ya matikone e tla mmogo le go mo raka, go hwetša yo mongwe, le go bolela ka dithutotumelo tša bona.

<sup>85</sup> Ngwanešu, ga ke tsebe thutotumelo eupša Kriste, ga go molao eupša lerato, gomme ga go puku eupša Beibele. Seo ke se re se hlokago. Seo ke se dikereke di se hlokago.

<sup>86</sup> Eupša ba—ba—ba batho ga ba O nyake. Kafao, ba na le kereke e phuthetšwe godimo kudu ka go dikerekemaina tše go fihla ba ka kgona go tšea poto ya bahlokomelaphahlo goba poto ya matikone le go retolla modiša wa go loka ka tsela efe ba nyakago. Eupša ba ka se kgone go retolla Modimo, seo

ke selo se tee sa nnete. Modimo o ya go dula a le Modimo. Ba ka se Mo amogetše bagwera ba bona—ba bona le boradipolitiki ba bona, le go ya pele, eupša ba ka se amogetše Kriste.

<sup>87</sup> Bokaone ba be le Santa Claus, nako efe kapa efe. Lefase le tšere taolo. Santa Claus o tšere taolo. Gabotse, le a tseba, bana ba bannyane ebile ga ba tsebe bontši se Krisemose e se rago.

<sup>88</sup> Ga ba tsebe se Paseka e se rago, ke—ke mmutla wa Paseka, mohuta tsoko wa mmutla, goba kgogo ye nnyane ya mmala wo serolvana, goba se sengwe. Modimo ke eng, tsogo, e swanetše go dira le kgogo, nonyana ya ditšhilatšhila kudu e lego gona? Ke eng ya tšhila ye e itše go feta kgogo? Gomme ba—ba e beile ka kua, le go tsea lefelo la Kriste.

<sup>89</sup> Ke eng bontši e ka ba bofe bja nonwane go feta Santa Claus? Ga se gwa ke gwa ba selo se se bjalo. Go botša bana maaka, o tla ba le boikarabelo ka yona ka Letšatši la Kahlolo.

<sup>90</sup> Ga go makatše batho ga ba tsebe ba dire eng. Bona ba... Ba—ba no se nyake selo sa kgonthe. Ba tla tsea e ka ba eng ya maitirelo, eupša ga ba nyake selo sa kgonthe. Ga ba nyake dimpho tša Modimo. Oo, nna! Nnete. Ga ba nyake Jesu, seo ke selo se tee.

<sup>91</sup> Ke ngwadile fase mo, lebaka le letee ba bego ba sa Mo nyake, ke ka baka la gore ge A ile ka tempeleng ya bona, gomme O hweditše tšhila ya bona ka tempeleng, O phethotše ditafola le go rakela bafetolatšhelete ntle. O e hlwekišitše.

<sup>92</sup> Gomme ge ba ka tsoge ba dumelela Moya wo Mokgethwa go tsena ka go ye nngwe ya dikerek tše kgolo tše go dikologa fa, O tla e hlwekiša. Kafao, ga ba kgone go O amogela, le a bona. O tla ba dira ba tlogele go kempola, go ba dira ba tlogele tšona diphathi tša rokenrole.

<sup>93</sup> Ba bea seswantšho sa bona ka pampiring, bjalo ka magwaragwara, boka moreri wa Methodist a dirile tlase fa ka Howard Park, Clarksville. O na le ngwanešu o dutše mo bjale, ge a se a ke a kama moriri wa gagwe fase bakeng sa gagwe. Monna mang kapa mang, mohlanka wa Modimo, o beile seswantšho sa gagwe ka pampiring, o na le phathi ya bogwaragwara ya selo ka kerekeng. John Wesley o tsebile seo, o tla retologela ka lebitleng la gagwe. Gobaneng? Ba ganne Kriste yoo John Wesley a mo tsebilego, thwi, gomme ba amogetše legwaragwara. Ba ne bodumedi bja bogwaragwara. Ba ne bana ba bogwaragwara, papa wa bogwaragwara, mama wa bogwaragwara, Mopresidente wa bogwaragwara, le feela pele le pele, gomme bjalo go no tšwelapele go eya. Oo, a kgobogo! Gobaneng? Ba gana ya kgonthe.

<sup>94</sup> Modimo o rile O tla ba fa go phoro ye maatla, go dumela maaka le go lahlwa ka wona. Modimo o rile e tla e dira. O gana nnete, o swanetše go tsea phošo. Ga go na tsela ye nngwe. O gana

go ya go le letona, o swanetše go ya go le letshadi, eya ka tsela ye nngwe ntłe le le letona. Kafao, o ka se kgone go ya go nepa le go fošagala ka nako ya go swana. Ge ba gana Moya wo Mokgethwa, ba gana Kriste, ba gana lenaneo la Modimo, ba gana motseta, ba gana se sengwe le se sengwe. Kafao, kagona, ba tlogelwa ka dibeng tša bona. Ga se gona se šetšego gona eupša kahlolo. Ngwanešu Ben, yeo ke nnete. Feela, yeo ke nnete tlwa, ba ne—ba ganne Kriste. Ba ganne lenaneo la Gagwe. Ba ganne Moya wa Gagwe. O lekile, lebaka la mengwaga ye masometlhano, gore Moya wo Mokgethwa o be o wela ka Amerika. Ba O ganne, lebaka la mengwaga ye masometlhano. Gomme bošegong bjo ke leswiswiswiswi le leswiswiswiswi go feta go kile gwa ba.

<sup>95</sup> Gomme ebile le godimo ga bao O wetšego godimo, mathomong, bana ba bona ba kgatlofaditše gomme ba e dira kerekeleina, le go e tatetša ka go mekgatlo, go fihla ba gana yena Modimo yoo botatabo ba mo amogetše. Amene. Ka gona, ba tteleima ke bona “pentecostal.” Oo, aowa. Ga e dire kolobe pere, go phela ka polokelong. Aowa, ka nnete. Go no se fete go dira Mokriste go tšwa go motho wa kereke ya Pentecostal, Baptist, Presbyterian, eng kapa eng gape. O sa le modiradibe go fihla a sokologile. Gomme ge a sokologile, o tswetšwe gape, Moya wa Modimo, le go fetolwa. Gomme o amogetše Kriste, gomme Moya wo Mokgethwa o tlie ka gare le go mo dira sebopiwa se seswa, tlholo ye mpsha.

<sup>96</sup> Ka gona, ba O ganne nako yeo. Ba a O gana bjale. O tla phethola ditafola tša bona tša tšhelete. O be a tla phethola poto ya bona ya bahlokomelaphahlo, poto ya bona—ya bona ya modiša. Ba—ba ka se ke, O tla... Ba tla hwetša poto, go lokile. Oo, a phapano ye e tla bago yona ge A etla ka dikerekeng lehono, eupša A ka se kgone go tsena ka gare.

<sup>97</sup> Re Mo hweditše, bošego bjo bongwe, ka go lebaka le la kereke, a ntšhitšwe ke kereke ya Gagwe Mong; a eme mojako, a kokota, a leka go tla morago ka gare gape. Tate wa kgaogelo! Ka morago ga go ragelwa ntłe, ke batho ba Gagwe Mong, o leka go tla morago ka kerekeng ya Gagwe gape! O rile, “Ke nna Yena yoo a sepelago magareng ga Dihlomakerese tše Šupago tša Gauta.” Gomme go lebaka la mafelelo la kereke, O be a le fa, ka ntłe. Ba Mo ragetše ntłe. Kae? Ka go lebaka le la Laodikia. A eme gape, a leka go tla morago ka gare gape, mojako wa Gagwe Mong, go kereke ya Gagwe Mong. A selo sa go šokiša! Seo ke se sengwe sa diswantšo tša go šokiša kudu tše Beibele e di pentago, ke tema yela ya 2 ya Kutollo, ya 3, a ke re, ka fao e lego seo, Kriste o ntšhitšwe!

<sup>98</sup> Go na le selo se sengwe sa go šokiša. Ke a nagana le lengwe la Mantšu a go šokiša kudu ao Jesu a kilego a a bolela, e bile ge A rile, “Tate, Ke itlhwekiša Nnamong, gore ba ke ba hlwekišwe.” Ka mantšu a mangwe, O be a na le tokelo. O be a le monna. O be a na le tokelo ya legae. O be a na le tokelo ya lapa. O be a le

monna, monna bontši ka fao o lego, goba ke lego, motho bontši ka go bona bja Gagwe bjalo ka ge re be re le. O be a na le tokelo go yona. Eupša O be a hlahla banna ba lesomepedi bao ba bego ba eya go iša Ebangedi go lefase lohle, kafao O itlhwekišitše Yenamong bakeng sa bona. “Ke itlhwekiša Nnamong, bakeng sa bona.” Mpho ya Modimo, go bolokeng Yenamong a hlwekišitšwe.

<sup>99</sup> Oo, dimpho tša Modimo, lena batho ba le tteleimago gore le amogetše Moya wa Gagwe, tšwelangpele le hlwekišitšwe. Ee. Tlogang go dilo tša lefase, le hlwekišwe. Oo!

<sup>100</sup> Ke mang a bego a tseba se se bego se le ka go Sephuthelwana se sa Mpho? A go na le yo mongwe a kilego a hwetša se se bego se le ka go Sona? Ke thabile kudu gore go be go le. Ke mang a Se tsebilego? E be e le Selo se se utilwego, Letlapa le le gannwego, eupša go bile yo mongwe a hweditšego se se bego se le ka go Sona. Ke thakgetše kudu.

<sup>101</sup> Ke rata go puruputša dilo, a ga le? Ke rata go epolla tše borala le go di pholetšha, go bona se—se se lego ka go tšona, go e bea pele ga Geiger.

<sup>102</sup> O ile a bewa pele ga Geiger, le yena, godimo ga Khalibari. O be a le lekgolo la phesente. Kgonthe. O be a le Gauta ye kgolokgolo yeo ba kilego ba e hwetša, Taamane ya go turwa kudukudu e kilego—e kilego. Be—be Beibele e rile, “Mmušo wa Legodimo o bjalo ka motho yo a rekago ditaamane. Gomme ge a hweditše ye Tee ye kgolo ye, o rekišitše tšohle tše dingwe tša gagwe, le go no fa go Yona, go E reka.” Ke YenaTaamane ya bolenglhlweko bjo bogologolo e kilego ya ntšhwa go tšwa leroleng la lefase, Gauta ye kgolokgolo yeo e kilego ya ntšhwa go tšwa leroleng. Ke Yena Lebjebohllokwa, Lebjebohllokwa la Legodimo, Taamane ye kgolo.

<sup>103</sup> Ge taamane ye kgolo e hwetšwa ka Afrika Borwa. Ke bile go kgabola me—me meepo ye megolo ya taamane ka Kimberly. Gomme ba tsea ditaamane tseo, gomme ka gona ge ba di hwetša go tšwa leroleng, di se tša hlotlwa, morago ba a di kgera. Gomme lebaka le ba di kgerago, ba di segago, ke go bonagatša dietša. Tima dietša go tšwa go yona, bolenglhlweko bja yela, go bontšha ke bolenglhlweko bofe bo lego ka go taamane yela. Ge e se ne bontši bja mollo le tlhase, ga se taamane kudu, eupša ge e ne... ke galase; eupša ge e le taamane ya kgonthe, taamane ya kgonthe e ne bolenglhlweko, e tla bonagatša le go bontšha mebala ya go fapania.

<sup>104</sup> Seo ke se A bego a le sona. O be a le Taamane. “Gomme O gobaditšwe ka baka la dikarogo tša rena. O tlapirigantswe ka baka la bokgopo bja rena. Kotlo ya khutšo ya rena e be e le godimo ga Gagwe, gomme ka megogoma ya Gagwe re fodišitšwe.” Oo, wona mahlasedi a lerato le Seetša sa Modimo di bonagatša go tšwa go Yena: Maatla a phodišo, lerato, tsogo. Modimo o Mo gobaditše, le go Mo tlapiriganya, le go Mo rema,

le go Mo sega, ka tšoša ya Moroma le—le—le sefepi sa Moroma, go fihla mahlakore a Gagwe a fatogile. Gomme Madi a kitima go tšwa mokokotlong wa Gagwe, gomme a godimo ga hlogo ya Gagwe, le go theoga go kgabola ditedu tša Gagwe, le go tloga maotong a Gagwe. Oo! O be A dira eng? O be a bonagatša lerato. O gokarile sefapano! Sebakeng sa wo boleta, mosamelo wa mafafa; legopo la lehlaka. Sebakeng sa ye nnyane, kaone ye pinki go aparwa; lešela la go potoka.

<sup>105</sup> Oo, ngwanešu, a o kgona go bona se matebo a lerato a lego? Ke be ke bolela, batho ba bangwe ka legaeng la ka, bošego bjo bongwe. Ga go yo motee a bego a ka tsoge a kgwathakgawatha ka fao lerato la Modimo le tebilego ka gona. Gore, “Oo, lerato la Modimo, le humile bjang, le sekile bjang!” Temana yela ya mafelelo, goba, temana ya mathomo, ke a dumela ke yona, e hweditšwe lebotong la lefelo la digafa:

. . . ka, rena ka enke re tlatša lewatle,  
Gomme maratadima a dirilwe ka pampiri;  
Lehlaka le lengwe le le lengwe lefaseng pene,  
Gomme monna mang le mang mongwadi ka  
kgwebo;  
Go ngwala lerato la Modimo Godimo  
Go ka gwapiša lewatlekogo go omelela;  
Goba sekorolo se ka swara lohle,  
Le ge se taramolotšwe go tloga leratadimeng  
go ya leratadimeng?

<sup>106</sup> Naganang ka mahlaka ao a bilego lefaseng, a dira dipene. Gomme dibilione tša banna, bangwadi ka kgwebo. Go ngwala maletere a mahlano a mannyane, l-e-r-a-t-o [Ka Seisimane: l-o-v-e—Mof.], ke ra maletere a mane a mannyane, “lerato”, lerato la Modimo, go tla gopiša mawatlekogo go omelela. Mola, nne ditlhanong ya lefase e le ka meetseng. Gomme ke eme mošola, Thaba Palomar, gomme ke lebeletše go kgabola galase yela, ka kgona go bona mengwaga ye milione tše lekgolo le masomepedi ya sekgala sa seetsa. Goba sekorolo se ka swara ka moka, le ge se taramolotšwe go tloga leratadimeng go ya leratadimeng?

<sup>107</sup> Lerato la Modimo. Ka fao Modimo a itatolotšego ka Boyena, gomme a tla, Sephuthelwana sa Krisemose, se be se robaditšwe godimo ga lehlaka. Selo sa pele A bilego le sona, e bile go gatelela kgahlanong le hlogo ya Gagwe ye nnyane, e be e le lehlaka, le seripa sa ditšila sa lešela la go potoka le tateditšwe go Mo dikologa. Selo sa mafelelo A bilego le sona e bile mphaphahlogo wa meetlwa, ka lešela la ditšila le phuthetšwe godimo ga mahlo a Gagwe; le go bethwa mo hlogong, ba re, “Ge O le moprofeta, re botše ke mang a Go bethilego,” gomme morago o kokotetšwe sefapanong. Lerato, le obeletša ntle! Ge bana ba Gagwe Mong ba llela Madi a Gagwe, O goeleditše, “Tate, ba lebalele, ebile ga ba tsebe se ba se dirago.” Leo ke lerato.

<sup>108</sup> Kereke ga e nyake Leo. Ba nyaka thutotumelo. Re hloka lerato. Kereke e a hwa, ka dithutotumelo. E kgona feela go phela ka lerato, gobane lerato ke Bophelo bjo Bosafelego. Lerato le fenya dilo tšohle. Lerato ke maatla a maatlamaatla a lego gona. Aowa, ba be ba sa Mo nyake, ka gore ba tseba se se bego se le ka Mphong.

<sup>109</sup> Eupša ba bangwe ba bona ba bile le Yona e utollotšwe go bona, se—se Mpho ye e bilego, se se bego se le ka go Yona. Ba bangwe ba bona ba lebeletše ka go Yona. Ke a dumela, ba mathomo go lebelela ka go Sephuthelwana sa Krisemose, le a tseba e be e le bomang? Ke a dumela, e be e le Barongwa. Barongwa ba E tsebile. E be e utollotšwe go bona. Ba E tsebile, gobane ba tlide ntle patogeng ya thaba.

<sup>110</sup> Mohlomongwe, Maria yo monnyane a dutšego godimo fale, a lapile, lerole. Mošemanne wa modiši wa go šokiša wa kgale o tlide kgauswi, a nkga boka dinku, o bone mme yola yo monnyane a dutše fale, bošegong bjoo, go ra se sengwe. Feel a boka batho lehono ba kgona go bona gore go ne se sengwe se lokelago go direga. Dinako tše kgolo kudu, batho ga ba tsebe ke tsela efe ye ba ka retologelago. Mohlomongwe mošemanne wa modiši wa kgale o tlide kgauswi gomme o bone mme yola yo monnyane. Se sengwe se mo rathile. O rile, “Ke na le meetse a botšididi mo ka go flaseke ye. A o ka nyaka feela seno?” Gomme lapa le lennyane le mo lebogile, yo monnyane a bego a yo ba mme a tše seno sa meetse.

<sup>111</sup> Mohlomongwe e be e le yo mongwe wa badiši ba bannyane a robetše fale godimo ga thaba yela bošego bjola, ge tlase ka setaleng, moo Lesea le lennyane le bego le lla. Oo, nako yeo, lefase, go be go se sebaka sa Gagwe. Ga go yo a bego a Mo nyaka. Eupša ka go nako yeo ya go swana, modiši ntle godimo ga thaba, Barongwa ba tlide tlase le go thoma go opela koša ya mathomo, “Lehono, ka toropongkgolo ya Dafida, o tswaletšwe lena, Kriste Mophološi.” E ile ya utollwa.

<sup>112</sup> Yeo ke tsela e nnoši e ka ba mang ka lefaseng a ka tsogego a tseba se se lego ka go Sephuthelwana sela. Se swanetše go utollwa go wena. O tla Se gana, wa re Ke bo—Ke bo bohlanya; eupša ge o hwetša kutollo, o tla Se nyaka. O tla bula. Gomme Modimo o tla tla ka gare gomme a lalela le wena, gomme wena le Yena, ge o loketše go bula mojako, wa Mo dumelele go tsena. Sephuthelwana se sennyane sela se kokota pelong ya gago, Mpho ye kgolokgolo ya Krisemose e kilego ya fiwa, Yona ya pele le Yona ye kgolokgolo. Sephuthelwana se sennyane sela, se kokota pelong ya monna, “Ke tla tla ka gare gomme ka lalela.” O ka se tsoge wa Se tseba go fihla Se utollwa go wena. Ge Se utolotšwe go wena, gona o tla ya go Se tsoma.

<sup>113</sup> Ge o bona gore Ke Bophelo, le tsela e nnoši ya Bophelo, ge o bona gore kereke ya gago e omile le go hwa, ge o bona gore go

šišinya seatla ga gago—ga gago le modiša, goba o fafatša go tšwa go sešišinyaletsawai, ga go ne selo go dira le Sona, gona o tla ya go nyakišiša.

<sup>114</sup> Ge o robetše malaong, o ehwa, gomme ngaka a re, “Ga se gona se go šaletšego. O tla be o hwile mo metsotsong e se mekae.” O tla nyaka go lebelela ka go Sephuthelwana sela nako yeo. Lebelela ka go Sona, bosegong bjo, ka gore Se tla tlošwa go wena nako yeo. Beibele e rile, “Ge o Ntatola ka matšatšing a gago a go phelega, boka o le bjale; ge bothata bo etla, ke tla no go sega.” Kafao bokaonana nyakišiša Sephuthelwana bosegong bjo.

<sup>115</sup> Sohle Se ke ka eng? Dietša, Dietša tše kgethwa di tla go tšwa Legodimong, di ne diswantšho di tšerwe, maswao a magolo, ditlhatho, maatla, go bolela ka maleme, tlhathollo, go bolela dilo tše di tšweletšego pele, maatla a Ebangedi, go fodiša balwetši, go tsea dikankere le go ba fodiša, mahlo a foufetšego a bulegile, dilo tšohle tša mohuta wo. Yohle E mabapi le eng?

<sup>116</sup> “Gobaneng, ke sehlopha sa bapshikologibakgethwa.” Phafogang! Lešela lela la go potoka, le ka no ba.

<sup>117</sup> Kafao le Bileama. O naganne bjang gore Modimo a ka se roge batho boka Israele? Eupša o šitilwe go bona. O lebeletše lešela la go potoka, sebakeng sa go bona Leswika le le bethilwego le Sephente ya Mphiri yeo e bego e eya pele ga bona, go dira poelano.

<sup>118</sup> Kafao go bjalo lehono, go na le go bona Maatla a Moya wo Mokgethwa a dira maswao a Gagwe a Mesia, le matete magareng ga batho, bjalo ka ge A tshepisitše O tla dira mo matšatšing a mafelelo. Bjalo ka ge A rile, “Bjalo ka ge go bile ka matšatšing a Loto, kafao go tla ba ka go tleng ga Morwa wa motho,” ge A thoma go dira maswao ale le matete magareng ga batho, a ipontšha Ŷenamong go phela. Ke Eng? Magareng ga ba go šokiša le go kokobela, batho ba go šokiša.

Ba ya go O bitša “bohlanya,” ba O rakela ntle. Bokaonana nyakišiša pele o fihla kgole kudu go wena. Ee.

<sup>119</sup> Badiši ba ba go nkga, batho ba be ba ka se kgone go ba le bona tikologong. Ba robetše ntle kua le go robala le dinku tšela, le godimo ga mapale a go swana ba di dirile, gomme lebaleng la go swana, a ke re, le—le go tshwenyega ka bona go fihla, bona, o ka kgona go ba dupa feela boka dinku di etla.

<sup>120</sup> Yo mongwe le yo mongwe o a tseba gore modiši o diša dinku, o robala thwi fase mojako le dinku, o robala thwi fase magareng ga tšona. Jesu o rile, “Ke nna mojako go ya lešakeng la dinku.” Ka mehla ke be ke makala gore e be e le bjang, go fihla ke be ke le ka Dinageng tše Kgethwa . . . goba Bohlabela, ke ra gore. Gomme ke hweditše gore ka fao modiši a beago dinku ka gare, morago o robala fase, mojako. Dinku ga di kgone go tšwela ntle le go tshela godimo ga gagwe. Phiri e ka se kgone go tla ka gare ntle le go tshela godimo ga gagwe. Ke yena mojako.

<sup>121</sup> Ke thabile gore Jesu o robetše fase ka mojakong wa pelo ya rena. Re ka se kgone go ya ntle, goba go dira e ka ba eng, ntle le Yena go e tseba, goba ga go selo se ka tlago ka gare ntle le Yena go se tseba. Kafao O tla dira se sengwe le se sengwe go šomela mmogo go tše botse go bona bao ba Mo ratago. E swanetše go re dira re lle le go goelela, le go tumiša Modimo, le go re, “Leboga Modimo bakeng sa Mophološi, mo—mo—mo Modiši yoo a tla lalago mo lebating la pelo ya rena, le go re sebotša ge e ka ba eng e etla godimo, itokišeng bakeng sa yona.” Ee.

<sup>122</sup> Tsela go kgabaganya naga go be go le banna ba bangwe ba go kokobela, banna ba bohlale. Ba be ba bitšwa Babohlale, “bahloladinaledi” Ge ke be ke le ka Bohlabela, e sego telele go fetile, ba sa dutše ka tsela ya go swana. Ke badiidi kudu, mohuta wa batho. Ba ya ka ditharo. Ba dula thwi ka mokgotheng. Billy le nna, fale ka India. Morago ka fale ke moo ba tšwago gona, India. Bjale, ba rile, “Re bone Naledi ya Gagwe ka Bohlabela.” Ba be ba le ka Bohlabela ge ba bone Naledi. Jerusalema ke bodikela, kafao Palestina e be e le bodikela bja—bja India. Kafao ba bone Naledi ya Gagwe ge ba be ba le ka Bohlabela, gomme ba tla go Mo lotša.

<sup>123</sup> Bjale, Babohlale ba, ga se ba tsoge ba dula fase ba tlhenkge. Ba no khukhuna. Gomme ba dutše kua go kgabola nako ya mosegare. Ka nako ya bošego, ba na le tora ye kgolo. Ba ya godimo kua gomme ba dula torenge ye. Ba tshuma mello, le go bolela ka dinaga, go wa ga mebušo, le go—le go nyamalala ga mebušo. Gomme ba—ba rapela Modimo o tee wa therešo. Yeo ke nnete. Bona ke—bona ke badumedi. Bona ke Bomohammedan. Ka kgonthe, bo hlogile go tšwa go Bameda le Baperesia, moragorago ka matšatšing a Daniele. Gomme bona ba . . .

<sup>124</sup> Gomme Petro o rile, ka go Ditiro 10:35, gore o “bone gore Modimo o be a sa bebe motho goba setšhaba, eupša O . . . bohole ka go setšhaba se sengwe le se sengwe seo se tla Mmoifago,” le motho e ka ba mang yo a tla boifago Modimo. Lebelelang Babohlale bale godimo fale, go boneng Naledi Mpho ya Modimo, le go E lemoga pele ga baprista ka tempeleng ka Jerusalema, magareng ga batho ba bodumedi. Ee, mohlomphegi. Amene.

<sup>125</sup> Babohlale, ke kgona go ba bona ba dutše go dikologa mollo wo mokgethwa wola, bošego bjo bongwe. (A re na le feela nako ye nnyane? Ya.) Ba dutše go dikologa mollo wola wo mokgethwa, ba bolela, morago ba tla ya godimo. Oo, ba ithutile mebele ya legodimo. Ba be ba di tseba gabotse tšohle tša tšona. Mosepelo wo mongwe le wo mongwe, ba tsebile ka wona. Kafao bošego bjo bongwe, ge ba be ba dutše fale, mohlomongwe ba opela dipina, gomme ba be ba tla ya godimo go selo se segolo se, le go ithuta. Ba tsebile naledi ye nngwe le ye nngwe, moo e dutšego. Ba e tsebile ka leina, gobane ba ithutile mebele ya legodimo. Gomme ga go makatše gore Mosetsebje magareng ga mmele wola wa legodimong o ba huduile. “Gabotse,” ba maketše, “ke eng Moisa

yo moswa yo godimo fa?" Oo, nna! "Go na le se sengwe se seswa seo se diregilego, Ke sa kagodimogatlhago." Yela, e biditše go eng? Morago go Lengwalo.

<sup>126</sup> Bjale, ba tsebile ka Mangwalo, gobane Daniele o be a le konokono ya bona. Le tseba seo; tema ya 2 ya Daniele, e re botša gore o dirilwe konokono godimo ga bona, kafao o ba rutile. Ga go pelaelo, bošego bjo bongwe, ba be ba dutše fale, ba bala ka Mangwalong, mabapi le, "Gomme Daniele o boletše gore o 'bone mebušo ye yohle,' go fihla mafelelong e etla ka go se e bego e le sona, wo mongwe le wo mongwe, Bameda le Baperesia le go ya pele go theoga go fihla go etla ka Roma. Gomme ka gona mafelelong o 'bone Letlapa le kgomolwa go tšwa thabeng, ntle le diatla." Gomme ba rile, "E swanetše go ba e ka ba ka nako yeo." Ka gona ba elelwā go diragatšwa ga tsela morago, pele ga nako yeo, tsela morago ka matšatšing a leeto la—la Israele, ge ba etla godimo le go kwa Bileama a re, ge a bone Israele, o rile, "Fao go tla tsoga Naledi go tšwa go Jakobo." Amene. Go swanetše go ba go bile e ka ba ka nako yeo, ge ba be ba nagana ka dilo tše, gore Moeng yo moswa o tšweletše.

<sup>127</sup> Ka mehla ke ge o bea monagano wa gago go Kriste moo A tlago go wena. Ke ka mehla—ke ka mehla ka dinako ge o nagana ka Yena, ge A tšwelela. Le a tseba, ge o nagana ka go loka, go dira se sengwe gabotse, ke ge A etla go wena, go go thusa.

<sup>128</sup> Gomme go swanetše go ba e ka ba ka nako yeo, gomme ba—ba swanetše go be ba lebeletše godimo gomme ba bone Moeng yo moswa yo. E thoma go ba hlahlela go leba Bodikela. Ka pela ba thomile go ya go leba bodikela, ba hlahlala go theoga go kgabaganya noka ya Tigris, go theoga go kgabola maganata, godimo go kgabola dithaba, tlase go kgabola mehlaphuhlo, oo, nna, pele, godimo. Ba tsebile gore se sengwe se be se direga, go bile le selo sa kagodimogatlhago se diregilego.

<sup>129</sup> Gomme ba tlide kae? Ba rile, "Ka kgonthe, ge se e le seprofeto sa Daniele, toropokgolo yela ye kgolo ya Jerusalema, motsemošate wa batho ba bodumedi ba setšhaba seo bohole ba tla be ba le komana go amogela Kgoši ya bona. Ba tla tseba gore yohle ke ka eng, ge re fihla kua. Ga re kwešiše, renabeng, go le bjalo. Re no ba Bohlale, ba go šokiša, batho ba go kokobela. Eupša, re be re lebeletše se sengwe, gomme re bona se sengwe se tsoga magareng ga rena, seo e lego sa kagodimogatlhago se sennyane." Oo, nna! Ba be ba le komana. Haleluya! Ba ile ntle, banna ba go kokobela, go hwetša Naledi Motseta wa Modimo. Ba be ba eya go latela Naledi Motseta wa Modimo go fihla ba etla go Seetša sa go phethagala. Oo!

<sup>130</sup> Kutollo, 20, Kutollo 1:20, e boletše seo, "Dinaledi tša dikereke tše." Se re swanetše go se dira lehono ke go hwetša Naledi Seetša yela, amene, yeo e bonagatša Letago la Gagwe. Yeo e bonagatša Maatla a Gagwe. Yeo e bonagatša Bomodimo

bja Gagwe. Gomme re latela yeo go fihla re hwetša Seetša sela sa go phethagala. “Boloka go hlahla go leba bodikela, o sa tšwelapele. Re hlahlele go Seetša sela sa go phethagala.” Oo, nno tšwelangpele le sepela, ga go kgathale se tefo e lego; godimo ga dithaba, tlase go kgabola dikgwa, mogohle gape.

<sup>131</sup> Gomme mafelelong ba fihlile ka Jerusalema. Gomme ka pela ge ba fihlile go kereke ye kgolo ye ya kerekelina, Naledi e ba tlogetše. Go a tlabu. Ba naganne, “E swanetše go ba fa.” Kafao, godimo le tlase ditoropongkgolo, ba ile, ba opela, ba goelela, ka mokgobeng wo mongwe le wo mongwe, go theoga go kgabola mekgotha. “O kae Yena, Yo a tswetšwego Kgoši ya Bajuda? Re bone Naledi ya Gagwe ka Bohlabela, gomme re tlide go Mo lotšha. O kae Yena?”

<sup>132</sup> Go a makatša, ba be ba se na le karabo, thwi ka didikong tša bona beng. Oo, nna! Ke nyakile go bolela ka maleme bjale. Ga se ba be le karabo. Ga se ba be le karabo nako yela. Ga ba na le yona bjale. Ga ba tsebe. Banna ba bohlale ga se ba hwetša Jesu ka ntikodikong ya bodumedi bja bona. O E hweditše ka ntle ga ntikodiko ya bodumedi bja bona. Gomme banna ba bohlale lehono, ba bohlale ka pelong, ga ba E hwetše ka go dikerekemaina tše kgolo tše. Ga ba tsebe selo ka Yona. Ga ba ne karabo. “Ke eng phodišo Kgethwa ye yohle, e yago pele?” ba a bolela. “Sohle se ke ka eng, maleme, le ditlhathollo, le diprofeto, le se, ma . . . maswao a Mesia? Oo, Tšeou ke ditšiebadimo. Ga go selo go Yeo. O se . . . Ga go selo go Yeo.” Le a bona? Ga ba ne karabo. Ga se ba be le yona nako yeo. Ga ba na le yona bjale.

<sup>133</sup> Eupsa E dirile selo se tee, E ba thomišitše go puruputša. Ke a nagana Ngwanešu duPlessis o bile mohuta wa go tšeelwa godimo go seo thwi bjale.

<sup>134</sup> Ba ile morago. Dikgarebe tše di robetšego di ile morago go reka Oli tsoko. Eupsa ke ge A etla, ge ba be ba ile ka morago ga Yona. Kafao re bokgauswi bjang bjale, ge re bona dikerek tše kgolo tše di eya morago, di re, “Gabotse, mohlomongwe re tlogetše se sengwe. Bokaone re O hwetše”? Ba ka se tsoge ba O hwetša. E no elelwang seo. Ba ka se tsoge, ba ka se tsoge ba O hwetša. Ba hwile. Gomme ba hwile, gomme ba hwile, gomme ke phetho. Ba ka se tsoge ba tla Bophelong. E nong go elelwa, ke bolela Leineng la Morena. Gomme Ye e godimo ga theipi. Ee, mohlomphegi. Ba ka se tsoge, ba ka se tsoge ba tla Bophelong. Ba fedile. Kafao ke ka lebaka leo ga ke kgahlege ka go wona mananeo. Ke ne kgahlego go selo se tee, go thunya feela thata ka mo nka kgonago, go “e ka ba mang a ratago.” E sego go tsoša kerekelina, eupša go tliša morago Jesu Kriste. Ee, mohlomphegi. E ka se tsoge ya ba ka go kerekelina! E kgahlanong le Modimo; ka mehla e bile, ka mehla e tla ba; e tlemela Modimo ka ntle, e gana se sengwe le se sengwe se lego fao e lego sa bomodimo. E tla dira, e ka se tsoge ya tla Bophelong. Kafao, ga go fapané Krisemose ye, e bile Krisemose

ya pele. Ke selo sa go swana. Bona Babohlale ba ya godimo le fase toropongkgolo, “O kae Yena? O kae Yena?” Oo, nna!

<sup>135</sup> A ke no ema mo motsotso. Ke na le filimi. Ga ke nayo mo bjale. Ngaka ye nngwe o e hweditše, Ngaka Dilly, nga—nga—nga ngaka ya mosadi yo a fodišitšwego ka kopanong ya ka. Gomme o na le theipi bjale, e bitšwa *Metsotso Ye Meraro Go Fihla Bošegogare*, gomme ge re hweditše bona Bajuda ba etla ka setšhabeng sa bona godimo kua bjale, gonabjale ka Palesetina, ye e boletšwego ke Morena, gore ba tla e dira. Pele ga go Tla ga Gagwe la bobedi, ba tla e dira.

<sup>136</sup> Ngwanešu fa, letšatši le lengwe, a eya Israele, o botšišitše potšišo, “A nka ya godimo fale?” Gomme ba mo ganne. Israele e tla tla bjalo ka setšhaba, e sego motho ka motho. “Setšhaba se tla tswalwa.” E tla tla bjalo ka setšhaba.

<sup>137</sup> Eupša, lebelelang, Bajuda bale ba go šokiša tlasetlase fale ka Iran le mafelong a go fapan. Le e badile ka go kgatišobaka ya *Life*. Ba be ba sa nyake go tsena go tšona difofane. Ga se nke ba ke ba bona ka se setee. Ba be ba lema ka megoma ya kgale ya kota le dilo. Ba rile... Gobaneng, rabi o gatetše ntle fale, gomme o rile, “Ema motsotso. A moprofeta wa rena ga se a re botša, gore, ge re ile morago go nagalegæ, re tla ya ‘godimo ga mafego a ntšhu?’” Oo, nna! Oo! Gomme ba tlide ba tsena ka go difofane tša TWA, ba phagamile.

<sup>138</sup> Moprofeta o be a sa tsebe gore di be di sepedišwa ke dimotho. Di be di no lebega bjalo ka dintšhu tše kgolo, gomme di eya kgole ka moyeng bjalo ka ntšhu, kafao moprofeta o rile, “Ge le etla morago...” Yeo e bile mengwaga ye makgolo a masomepedi tlhano ya go feta. O Modimo! Mengwaga ye makgolo a masomepedi tlhano ya go feta, ge ba thopilwe ke Baroma, le go šwalalanywa go diphefo tša lefase. O rile, “Ba tla... Nka se ba lebale. Ke tla ba tliša morago gape. Eupša ke ya go foufatša mahlo a bona, gore, Bantle, Nka kgona go tšeaa batho go tšwa fao, bakeng sa Leina la Ka, ka bea Leina la Ka godimo ga bona. Ge letšatši lela le fedile, Ke tla ba kgobela gape. Gomme ge ba boela magaeng a bona, ba tla tla go mohuta wo wa dilo.” Gomme Jesaya o ba bone ba tsogela godimo, ba etla go kgabaganya. O rile, “Godimo ga mafego a dintšhu.”

<sup>139</sup> Rabi yola wa motšofe o eme ntle fale, gomme o rile, “Moprofeta wa rena o boletše gore re tla ya gae, mo nakong ya bofelo, ‘godimo ga mafego a ntšhu.’” Ba nametše ka gare.

<sup>140</sup> Gomme ge ba fihlile tlase fale, ba kukile batšofe, ba foufetšego le go golofala, magetleng a bona, ba ba tloša, ba bile le polelotherišano le bona. Ke ne yona thwi go theipi. O rile, “A le tlide gae, go nagalegæ, go hwa fa ka go nagalegæ?”

O rile, “Aowa. Re tla go bona Mesia.”

<sup>141</sup> Oo, ngwanešu, bothata ke eng? Gomme kereke ya bona ga e ne karabo. Bothata ke eng? Re mo nakong ya bofelo,

ngwanešu, ge Dietša tša mantšiboa di phadima, Maatla a Moya wo Mokgethwa a morago ka Kerekeng gape, go swana le ge A bile mathomong. Moprefeta o rile, “E tla ba Seetša nakong ya mantšiboa.” Kereke ga e tsebe gobaneng ba kgobokana fale. Ga ba ne karabo. Pomo ya athomo e na le karabo go bona, godimo kua, go le bjalo. Kgonth e nayo. Eupša re mo nakong ya mantšiboa, diiri tše moragorago go feta se re naganago. Kgonth.

<sup>142</sup> Babohlale ba, godimo le tlase mokgotheng, ga se ba be le karabo. “Go diregile eng? Go diregile eng?” Mafelelong, re hwetša gore ba thomile go latela Ye. Ge E fihla godimo kua, ga se ba kgona go hwetša—ga se ba kgona go hwetša karabo ka toropongkgolo, ka dikgaong tša bona tša bodumedi. Aowa, le bona ga ba dire bjale. Ba eng? Jerusalema, ba be ba sa tsebe selo ka le ge e le—e sego leswao la kagodimogathago.

“Ke mohuta mang wa leswao la kagodimogatlhago o bolelagoo ka lona?”

<sup>143</sup> “Oo, re bone Naledi ge re be re le morago ka Bohlabela. Re a E latela.”

<sup>144</sup> “E kae? Ga ke E bone. Gabotse, ga re tsebe selo ka Yeo.” E be e le tlwa go phethagatša Lengwalo.

<sup>145</sup> Eupša ba be ba se na le karabo ka didikong tša bona tša bodumedi. Ga se ba be le yona lehono. “Ke eng polelo ye ka maleme? Ke eng sehlopha se sa batho seo se tsogago, go fodiša balwetši, le go dira mehlolo ye yohle le dilo, le go goelela, go lla, le mehuta yohle ye ya dilo?” Go kwagala o ka re ba dirile ka Beibeleng morago kua. “Aa, ditšiebadimo. Ga go selo go Yona.”

<sup>146</sup> Ga ba tsebe selo ka tša kagodimogatlhago. Gobaneng? Še e a tla. Ba ka se latele Naledi ya Seetša, Naledi ya Seetša, khamphase ya Modimo go Seetša sela sa go phethagala. Oo! “Go hlahla go leba bodikela, go sa tšwelapele, go re hlahla go ya go Seetša sela sa go phethagala, O Naledi ya Bethlehem.” Re bone Naledi ya Gagwe mo ka Bodikela. Feela ke mohuta mang wa Naledi? Naledi ya Gagwe ya kereke, Moya wo Mokgethwa, o sepela ka go batho. Re bone Naledi ya Gagwe, gomme re tlide go Mo rapela. Amene. Seo ke se e lego sona, banna ba bohlale, basadi ba bohlale, ba kokobetše ka pelong. Re bone Naledi ya Gagwe, gomme re tlide go Mo rapela.

<sup>147</sup> Oo, ba be ba sa tsebe selo ka tšona dilo tša kagodimogatlhago. Ba be ba sa tsebe selo ka Dietša le dilo. Bona, ga ba tsebe selo ka Yona. Go ba huduile. Nnete. Go a swana lehono. Ba be ba sa tsebe selo ka Yona, go le bjalo. Dihlopha tša bodumedi ga se tša ke. Ešita ga ba tsebe selo ka Yona lehono.

Hlokamelang. Ke rata se. Oo! Se ke se se lokilego.

<sup>148</sup> Ge—ge feels ba be ba le ka go tšona dikgao tša kerekeleina, Naledi ga se nke ya ke ya tšwelela go bona. E ile ntle, mo dikgorong tša Jerusalema, gomme ya dula ntle. Ngwanešu! E dutše ntle, ge feels ba sepetše go kgabola dikgao tšela tša kerekeleina. “O kae Yena? Ka kgontha lena badiša le swanetše go tseba se sengwe ka ga Yona. Ye e ka eng, lena borabi le lena baprista? Gomme lena, lena Mamethodist, Mabaptist, Presbyterian, Makatoliki, le lena dikereke tša kgale ka mokgwa woo, ka nnete le na le karabo ya Yona. O kae Yena?” Oo, nna! Le a bona? Ga ba tsebe selo ka Yona. Gomme bona ba bego ba le ka kua, ba dutše ka leswiswing la bona go fihla ba tšwela ka ntle ga yona. Gomme ka pela ge ba tšwetše ka ntle ga toropokgolo, šele Naledi e be e eme gape. Letago!

<sup>149</sup> “Tšwelang ka ntle ga gagwe, batho ba Ka,” go boletše Morena. “Tšwelang ka ntle ga Babilonia, kgakanego. Tšwelang ka ntle ga dithutotumelo tša lena le dilo tša lena tša go itira wa setaele mong. Ke tla le amogela,” go rialo Morena. “Le se kgwatho dilo tša bona tša ditshila,” diphathi tša bona tša morethetho ka kerekeng, le panko, le mehuta yohle ya dilo, le ditanse.

<sup>150</sup> Fa e se kgale botelele, mme wa ka o nteleditše, o rile, “Bill, etla tlase fa gannyane nthathana.” Ke a nagana o dutše mo ka kerekeng, felotsoko, bosegong bjo. Ke ile tlase. Ke rile, “Bothata ke eng?” Ba mpiditše tlase kua. Gomme mo go be go le kereke ye kgolo ya Methodist godimo mo ka Indiana, e na le phathi ya rokenrole ka go yona. Gomme ba botšiolotše modiša. O rile, “Ke kgale kudu kereke ya Methodist e lebetše bokgabo bjo bobotse bja rokenrole.” Go swarwa ke diabolo! Ga e tsebe selo ka Modimo. Ga ba tsebe kudu ka Modimo go feta ka mo Mokgothu a ka tsebago ka bošego bja Egepeta. Ba no... go no se fete mmutla o tseba ka dieta tša lehlwa. Ge, o etla go lefelo moo selo se nnoši o se tsebago, feels thutamodimo, thutotumelo tsoko ya madirwakemotho.

<sup>151</sup> Ge Maatla a Moya wo Mokgethwa a etla ka gare, o amogela moprofeta wa Modimo. O amogela Mpfo ya Modimo ya Moya wo Mokgethwa, le go bona o ka ba bontši bjo bokae bja rokenrole o ka bago le bjona ka kerekeng. O ya morago go Ebangedi ye John Wesley a e rerilego, le go bona o ka kgona go ba le bontši bjang ka go yona. Go ya kgole go tloga go tsela ya go itiwa; go ya morago go John Smith, goba Mabaptist, go ya morago go Martin Luther. Eupša ke eng? Ga ba tsebe selo ka tša kagodimogatlhago lehono. Gomme yeo ke nnete. Kereke ya Methodist ga e tsebe selo ka phodišo Kgethwa.

<sup>152</sup> Ge Johane a be a eme fale, a rera phodišo Kgethwa, ba bangwe ba kereke ya godimo ya Engelane ba tlide godimo le go dira metlae ka yena, ba lokolotše diphukubje, le sehlopha sa dimpša tša go tsoma. O šupile monwana wa gagwe ka sefahlegong sa gagwe, gomme o rile, “Letšatši le ka se dule

godimo ga hlogo ya gago, makga a mararo, go fihla o mpitša go go rapelela." O hwile mantšiboa ao, a biletša Johane go tla go mo rapelela.

<sup>153</sup> Gobaneng kereke ya Methodist e sa hwetše Yeo morago ka go yona gape? Gobaneng e le? Gobane e hwile. Nnete! O tšhogile go lebelela ka go Sephuthelwana sela, gobane Se tla utolla dibe tša gago. Ke a le bitša, Mamethodist, go lebelela morago ka go Sephuthelwana gape. Ke a le bitša, Mabaptist, go lebelela morago go Sephuthelwana gape. Gomme lena, Mapresbyterian le bohole! Lena Mapentecostal, Makatoliki le bohole, lebelelang morago go Mpho ya Modimo ya Krisemose bjale. Lebelelang morago go Mpho. Lahlelang lepokisi kgole, gomme le tše Mpho. Uh-huh. Tlogang go magadigadi a Santa Claus. Boelang morago go Mpho ya Modimo. Boelang morago go Moya wo Mokgethwa. Oo, ke a tseba O tla utolla dilo tše ntsi, eupša seo ke se le se hlokago, go hlwekišwa, go gohlwa. Ke a tseba seo se thata kudu, setšhaba, eupša re swanetše go ba le Wona. Ke Lentšu la Modimo. Ee, mohlomphegi. O le loketse. Nnete! Oo, ee!

<sup>154</sup> Bona, ba tsebile gore go be go le se sengwe sa phošo ge ba thula toropokgolo yela, gomme Seetša sa tima. Ka pela ge ba tšoenne kerekeleina ye, Seetša se sepetše. "Molato ke eng?" Ba ile ba thoma go goelela, "O kae Yena? O kae Yena? Ka nnete ke tla O hwetše mo. Ye ke kerekeliya ya kgale, e bile mo nako ye telele. Ke motsemošate wa dikerekemaina, Vatican City. Gabotse, kgonthe, ke swanetše go—ke swanetše go Mo hwetše fa. O kae Yena? O kae Yena, Kriste yo a rilego 'O be a swana maabane, lehono, le go ya go ile'? O kae Yena, Yena yo a rilego, 'Go tla ba le Seetša nakong ya mantšiboa'? O kae Yo a rilego, 'Mediro ye Ke e dirago, le tla e dira le lena'? O kae Yena? O kae Yena?" Gomme Seetša se no dula ntle. Ge ba rathile go tšwa go selo sela, ba sepeletše ka ntle ga toropokgolo, Seetša sesele se tšweletše gape.

Go tla ba Seetša nakong ya mantšiboa,  
Tsela ya Letago nnete le tla e hwetše;  
Ka tseleng yela ya meetse, ke Seetša lehono,  
E bolokilwe Leineng le bohlokwa la Jesu.  
Baswa le batšofe, sokologang dibeng tšohle tša  
lena,  
Moya wo Mokgethwa ka nnete o tla tsena ka  
gare;  
Dietša tša mantšiboa di tlide,  
Ke ntla gore Modimo le Kriste ke Batee.

<sup>155</sup> Ee, ngwanešu. Ee, mohlomphegi. Sokologang go dibe tša lena tšohle. Moya wo Mokgethwa, Mpho ya Modimo, ka kgonthe e tla tsena. O mo lebating. [Ngwanešu Branham o kokota phuluphithing kgafetša—Mor.] O re, "Ntumelela ka gare. Ge o ka Ntumelela ka gare, Ke tla lalela le wena. Ke tla utolla dilo tše go wena. Ke tla go laetša tša kagodimogatlhago. Ke tla fodiša

bolwetši bja gago. Ke tla—ke tla hlokomela dilo tše tšohle bakeng sa gago, ge o ka no Ntumelela ka gare.”

<sup>156</sup> Mpho Sephuthelwana sa Modimo, e phuthetšwe godimo ka sebopego, lehono, sa Moya wo Mokgethwa. E be e phuthetšwe, nakong yela, gomme ya bitšwa Morwa wa Modimo. Mpho ya Modimo e be e nno tšeelwa godimo le go phuthelwagape, gape, le go romelwa morago. Amene. E be e phuthetšwe godimo ka go Morwa wa Modimo, nako yela. E phuthetšwe ka go barwa ba Modimo, lehono, ba bitšwago Kereke. Yeo ke nnete. Mpho Sephuthelwana sa Modimo, e phuthetšwe, go batho. Gomme ba E ganne, lehono, go no swana le ge ba ganne nako yela. “Ge ba bitša Mong wa ngwako, ‘Beletsebubu,’ mmolelelamahlatse, gobane O kgonne go hlatha dikgopololo, ke bontši gakaakang a tla go dirago? Ba bitša Mong wa ntlo . . .” Oo, nna! A re hwetšeng.

<sup>157</sup> Ya, Babohlale, ba E amogetše. Ba be ba šokiša le go kokobela, gomme ba bone Seetša sa go se tlwaelege.

<sup>158</sup> Selo se sengwe ke nyakago go se betha thwi fa. Gomme ge ba bone Seetša se, a ba kile ba thaba! Beibele e rile, “Ba hlaletše ka lethabo le legolo go fetiša.” Oo, ke a eleletša ba goeleditše gannyane nthathana, a ga le eleletše bjalo? Ke no eleletša bjalo. Kafao, ge ba bone ba bile mokgatlo wola wa kgale botelele kudu morago fale, ba leka go hwetša se sengwe, go be go se selo fale, ge ba tšwetše ka ntle ga kgoro, ba bone Seetša sela sa Moya wo Mokgethwa gape se phadima mošola, Naledi yela ya Letago e gogela fase godimo ga bona, ba bile ba thabile kudu, ba bile le lethabo le legolo go fetiša.

<sup>159</sup> Oo, motho o dira eng ge ba thabile kudu? Le dira eng go papadi ya kgwele ge ba thabile kudu? Oo, le a goeleta, “Huree-huree! Nwee-nwee! O bethile ya go kitimela gae. Ha-ha! Ho-ho!” Le a bona?

<sup>160</sup> Gomme ge o hwetša “thabo ye kgolo go fetiša,” le go goeleta, “Letago! Haleluya! Tumišang Morena!” Yeo ke nnete, lethabo le legolo go fetiša! “Naledi šeo. Re etepele! Oo, re tloše go tloga go mekgatlo ye, gomme re hlahlele go ya go Seetša sela sa go phethagala. Go hlahlala go leba Bodikela, o sa tšwelapele, re hlahlele go ya Seetšeng sa Gago sa go phethagala.” Go no tšwelapele. Naledi e be e le go hlahlala go ya Seetšeng. Mafelelong, E dutše ka godimo ga Ngwana.

<sup>161</sup> Ge ba . . . [Ga go selo go theipi—Mor.] Gomme feela metsotso e se mekae. Go lokile. Go lokile.

<sup>162</sup> O ikutollotše Yenamong go batheahlapi ba go šokiša. O ile a utollwa. Sephuthelwana sela, se se bego se le ka gare ga Sona, se utollotše go batheadihlapi ba go šokiša, go ba go se rutege, bahlokathuto. O ikutolotše ka Boyena go banna ba ba bego ba sa kgone go ngwala leina la bona beng. Ba be ba sa kgone go ba letikone, goba—goba selo se sengwe gape ka kerekeng. Ba ka se kgone go ba seo. Ba be ba se ba rutega kudu! Oo,

nna! Ba be ba šiiša! Kafao O ikutollotše Yenamong go bona, go basenyakwe, bale ba ba raketšwego ka ntle. O ikutolotše Yenamong go bona, go baseratege. O be a ratega go bao ba bego ba sa ratege. Go balwetši, ba hlokile phodišo. Ba be ba rata go lebelela ka go Sephuthelwana, go bona go reng ka Sona. O ikutolotše Yenamong go bona. Gomme go ba swerwego ke tlala, O ba fepile ka dillofo le dihlapi. Oo, re ka kgona go dula, ke na le dilo tše ntši di ngwadilwe fase godimo ga seo, eupša re swanetše go tshela seo. Le a bona? O ikutolotše Yenamong go batho bale bohole, baseratege. Ge go se yo a bego a ba nyaka, a ba bitša “mahlanya,” O ikutolotše Yenamong go bona. “Ke thabile bjang gore ke kgona go re ke nna yo mongwe wa bona.” Ee, mohlomphegi! Baseratege, basenyakwe, balwetši lebahloki, baswarwa ke tlala; O ikutolotše Yenamong. Ee.

<sup>163</sup> Ke be ke nagana ka motho yo mongwe yo a swerwego ke tlala. Letšatši le lengwe, go be go na le motho wa pelo ye e swerwego ke tlala a bitšwago Paulo, Saulo nako yeo. O be a le tseleng ya gagwe go theogela Damaseko, a swerwe ke tlala. O be a sa tsebe a dire eng. O be a nyaka go direla Modimo se sengwe. Seetša se phadimile go mo dikologa, “Saulo, Saulo, o Ntlhomaretšeng?” O ikutollotše Yenamong go Paulo wa pelo ye e swerwego ke tlala.

<sup>164</sup> Go mosadi wa tumo ye mpe, go Baraba yo a ahlotšwego, O ikutolotše ka Boyena. Yeo ke nnete, go monna wa pelo ye e swerwego ke tlala, go mosadi wa tumo ye mpe, go bohole ba ba bego ba le ka ntle. Ke nagana ka mosadi yola wa go se tume. Feela nakwana bakeng sa gagwe, hle nkgotleleleng feela motsotsso.

<sup>165</sup> Simone, Mofarisei ka Beibeleng, oo, o be a nyaka—o be a nyaka go tseba Mpho ye, le yena. Eupša o be a nyaka go E tseba bakeng sa thato ya gagwe mong ya bojato, maikaelelo a gagwe mong a boikholo. Mofarisei, kafao o dirile eng? O bile le mokete wo mogolo. O naganne a ka dira motlae tsoko. Beibele, kanegelo ya Ebangedi, e re fa yona. E lebeleleng motsotsso feela bjale, pele re tswalela. Fao o rile, “O tla ba le Jesu go tla.” Ka baka la gore, ga ke nagane gore Mofarisei ka nnete o be a rata Jesu, ka baka la gore o be a se na le selo sa go swana. O be a le Mofarisei wa go thatafa wa kgale, gomme o—o be a hloile Jesu. Kafao o naganne o tla Mo tliša godimo fale, le go bapala metlae e se mekae go Yena, go bona ge eba ka kgonthe O be a le moprofeta, goba aowa.

<sup>166</sup> Kafao ba rometše le go Mo kgopela go tla. Semamathane se tlile, le go kitima. Go molaleng lerole, le se sengwe le se sengwe, o sepeletše godimo ntle kua. Gomme a ema ka thoko ga . . . Jesu go molaleng o be a fodiša batho, gomme a eya pele. O be a lapile. Mohlomongwe e be e le Petro yo a rilego, “O ka se kgone go Mmona lehono.”

<sup>167</sup> O rile, “Eupša, morena, mong wa ka ke Rabi Simone. Ke modiša wa kereke ye kgolo tlase mo ka Judea. Gobaneng, wena . . . Yena, o laleditše Mong wa gago go tla, go mmona. Oo,

oo, oo, a le—a leina le legolo le tla bago go Yena. Le a bona? Le swanetše go mmona.”

<sup>168</sup> “Gabotse,” o rile, “Ke tla go tšeela godimo, le go bona se A se bolelago.” Gomme kafao o kgoromeditše go kgabola lešaba. Gomme letšatši le be le le kgauswi le go sobela. Jesu, o lapile le go kgathala. Gomme mo go tla semamathane se sennyane se godimo. Gomme yena, go na le gore . . .

<sup>169</sup> Ka Bogeneng bja Kriste! Oo, ka mehla ke be ke makala gore molato e be e le eng ka semamathane sela. Phošo e be e le eng ka yena? A eme kgauswi le Jesu, gomme a fela a bile le molaetša go tšwa go Mofarisei, “Mong wa ka o nyaka O tle, o mmone. O a tseba ke eng? O na le phathi tlase mo. O nyaka O tle, o be moeng yo a hlomphegilego.”

<sup>170</sup> Oo, ke duma nkabe ke tšere molaetša wola, ke bile kgauswi le Yena, a ga le? Nka be ke se ka tsoge ka nagana ka se Mofarisei yola a se boletšego. Nkabe ke wetše fase maotong a Gagwe, ka re, “O Morena Jesu, nkgaogele, modiradibe.” Ke a dumela nkabe ke boletše seo, a ga le? Ka fao a emego bokgauswi bjola go Jesu, gomme efela o ganne sebakabotse go kgopela tebalelo ya dibe tša gagwe. Gomme bokgauswi bjoo go Yena! Aowa, o be a na le bontši kudu monaganong wa gagwe. O be a le mohlanka. O be a swanetše go kgopela Mofarisei.

<sup>171</sup> Gomme Jesu, Jesu wa go šokiša, efela a lapile le go kgathala, le go tseba gore O be a nyaditšwe le go hloiwā ke yena, A dumela ka hlogo ya Gagwe, “Ke tla ba fao.” Ge A re O tla ba fao, O tla ba fao. Le se tshwenyege. O tla ba fao. Ga se gona se tla Mo thibelago.

<sup>172</sup> Kafao ge ba fihla tlase kua, letšatši lela, gomme ba bolaile ohle mamane a bona a go nona, le go tliša ntle beine yohle ya bona ye mpsha le se sengwe le se sengwe. Gomme badidi ga se ba dumelwelwa go tla tikologong moo ba bego ba le. Oo, ge ba beša nama yela ka ntle, dilo, a monkgo! Bona badidi ba eme ntle fale, gomme feela molomo wa bona o rotha mare. Ga se ba kgone go tsena. Aowa, mohlomphegi. Go le bjalo, seo e be e no ba feela go batsebalegi feela. Gomme kafao nako yeo go emeng ka ntle. Gomme ba bile le diterebe tšohle tše le dilo, tšohle ka go yona na—na nako ya go khukhuša, goba botlalo bja diterebe. Gomme monkgo wo mobotse wola wa diterebe, le a tseba, ge di le bose, le se sengwe le se sengwe. O be a na le dibeine tša gagwe tše mpsha le se sengwe le se sengwe.

<sup>173</sup> Gomme, ka mehla ke be ke makala gore Jesu o ile a fihla bjang ka kua ntle le go lemoga. Le a tseba, gabotse, ge e ka ba mang ka Bohlabela a ke a go mema go tla ntlong ya bona, le a tseba ke batho ba bagolo bakeng sa kamogelo. Bjale, batho ka go wona matšatši, ge ba be ba sepela, ba be ba apere diramphašane. Gomme ge ba dirile, le kwa ka go hlatswa maoto.

<sup>174</sup> Seo ke se re se dirago mo, ka segopotšong. Yeo e be e le taelo.

<sup>175</sup> Ge yo mongwe a go kgopetše go tla ntlong ya bona, e tla ba se sengwe boka se. Ba tla go dumediša mo lebating. Gomme morago ba bile le se ba se biditšego, “mošomo wa fasefase,” go batho bohle. Ba bangwe ba bona ba be ba otlela dikoloi. Ba bangwe ba bona ba be ba apea. Gomme ba bangwe ba bona, baapei, le a tseba. Gomme ba bangwe ba bona, motšhelabeini. Gomme, eupša monna wa go lefša fasefase wa lapa lohle, e be e le mohlapišamaoto. O be a no ba mohlapišamaoto.

<sup>176</sup> Gomme, naganang, Morena wa ka o be a le mohlapišamaoto. Gomme gona re nagana se sengwe, re nagana re yo mongwe. Lebelelang Yena a hlatswa maoto a barutiwa, batheadihlapi, batheadihlapi ba ditšhila, badiši ba dinku le go ya pele, a hlapiša maoto a bona.

<sup>177</sup> Gomme, mo, mohlapišamaoto yola. Ge o etla lebating, ba tla—ba tla hlapiša maoto a gago, gobane lerole le dilo di ile godimo ga maoto a gago, le—le mo le sepetšego, le a tseba, go theoga ditsela tša lerole moo dipere le diphoofolo di bego di le gona, le a tseba. Gomme e dirile monkgo, gohle godimo ga gago. Gomme ka gona letšatši leo, le a tseba, le be le gohle godimo ga molala wa gago. Gomme letšatši lela la Mapalestina, mahlasedi a go lebanya a lona, ka kgonthe a a fiša. Gomme kafao ge ba etla mojako, ba beile leoto la bona ntle. Ba be ba hlapiša maoto a bona. Gomme morago ba beile—beile diramphašane tša bona godimo; ba di hlwekiša, gomme ba di bea godimo. Gomme a di bea godimo ga para ye nnyane ya diramphašane, bjalo ka tše nnyane... basadi ba apara lehono bakeng sa dieta tša ka malaong, le a tseba, se sengwe go swana le seo, go di apara. Gomme morago go hlatswa maoto a bona.

Gomme morago ba tla ba le toulo godimo ga legetla la gagwe. Gomme morago se a tla se dirago, o tla phumola lerole go tloga sefahlegong sa gagwe.

<sup>178</sup> Gomme o tšeа makhura a senkgamонate. Oo, e be e le selo sa go turwa batho ba go huma ba bego ba se šomiša. Kgošigadi ya Borwa e tlišitše se sengwe sa sona godimo le go se fa Salomo, se dirilwe ka apola ka Bohlabela. Go swana le letšoba, letšoba le lennyane la apola, gomme se tšwa fao. Se turwa kudu.

<sup>179</sup> Gomme ba tšeа go setlolo seo, gomme ba se beile gohlegohle sefahlegong sa bona. Oli boka yeo, gobane melala ya bona e tšhumilwe, le selo. Ba tšeа toulo gomme ba o phumola ohle, ka mokgwa woo. Gomme ka gona ba be ba—ba be ba lapološwa.

<sup>180</sup> Bjale, seo ke selo sa pele, mohlapišamaoto o be a ba swere le go ba lokiša ka mokgwa woo. Nnete, ba be ba ka se ikwele go tla ka ntlong ya monna, moo ona mašela a magolo a go dirwa Peresia, le go ya pele, ka mokgwa woo, ba nkga boka mo o ka rego ba be ba le ka setaleng, le—le—le letšatši le megogoma gohle godimo ga sefahlego sa bona. Ba be ba lapološitšwe.

<sup>181</sup> Ka gona ge ba etla ka gare, ba kopana seng sa bona. Gomme ge ba dirile, ka mehla go amogela moeng, moo ge o be o amogetšwe, ba šikintše seatla sa bona ka mokgwa *wo*, Ngwanešu Ed. Ba tla šikinya seatla sa bona, ka mokgwa *wo*. Gomme morago ba beile ya bona . . . Emelela, feela motsotso, ke tla le bontšha se sengwe. Ba beile matsogo a bona go ba dikologa. [Ngwanešu Branham o a laetša, gomme o phaphatha Ngwanešu Ed makga a mane—Mor.] Ka mokgwa *woo*, morago ba fetola diatla. [Ngwanešu Branham gape o phaphatha Ngwanešu Ed makga a mane.] Gomme yeo ke tsela ye ba e dirilego.

<sup>182</sup> Yeo e be e le kamogelo. Ka gona o be o le ngwanešu. O ikwetše gabotse. Maoto a gago a be a hlatswitšwe. O—o be o tloditšwe gohle godimo.

<sup>183</sup> Gomme ka gona selo se se latelago a se dirilego, ba atlane seng molaleng. Gomme seo se ba dirile ba amogelege. Selo sela sa mafelolo e bile katlo yela ya go amogela.

<sup>184</sup> Le elelwa Judase a efa Jesu katlo yela ya go amogela? O rile, “Gobaneng o dirile seo, mogwera?” Le a bona? O tsebile pelo ya gagwe.

<sup>185</sup> Kafao ba amogelane seng. Ga se o ikwele go tla ka gare le lerole gohle godimo ga gago, gomme monkgo wola wa kgale gohle godimo ga sefahlego sa gago le maoto, le dilo. Kobo yela ya kgale e lekelela fase, e topa lerole lela ge o sepela, ge o be o sepela. Ba be ba sa ikwele go dira, go ya ka gare. Eupša ge o be o lapolotšwe gohle, gomme ka gona ge a etla godimo, gomme moeng wa gago . . . O be o le moeng wa go hlomphega, gomme ka gona ge a etla godimo le go go amogela, le go go fa katlo mo molaleng, gobaneng, o be o le ngwanešu nako yeo. “Etla ka gare. O ya go setšidifatši, wa hweletšwa sangwetše, e ka ba eng.” O be o—o be o amogetšwe nako yeo. O be o amogetšwe ka gare.

<sup>186</sup> Eupša Jesu o tsene bjang ka fa ntle le tšohle tše di dirwa go Yena? Le a bona? O be a dutše godimo khoneng, ka maoto a ditšhila, a sa amogelwa. Go molaleng, Mofarisei o be a bolela ka se sengwe gape, le a tseba. Ga se a ke a ela hloko Jesu o tlide ka gare.

<sup>187</sup> Seo ke se e lego bothata ka dikerekeng lehono, dikerekene tše dintši kudu tša rena tša Bofarisei. Maatla a Modimo a tla ka gare, gomme ga ba A lemoge. Le a bona? O be a tla rata go dira se sengwe, eupša ga se nke A ke a amogelwa.

<sup>188</sup> Gomme o be a le fao, godimo kua, mohlomongwe a bolela metlae, le go beng le nako ye kgolo le Modisa Rabi *Semangmang* le Rabi *Semangmang*, godimo fale. Ga se ba lemoga Jesu.

<sup>189</sup> Gomme O swanetše go be a ile a thellela ka gare le go dula fase felotsoko, godimo ka khoneng. Ke kgona go Mmona kua ka maoto a Gagwe a ditšhila, molala wa go palega, ga go katlo ya kamogelo. Oo, a seo ga se le dire le ikwele gampe, Jesu ka maoto a ditšhila? Ba Mmitša, godimo kua, “Jésu! Jésu!” O rile, “Jésu ka

maoto a ditšhila, o dutše khoneng.” O Modimo, e ka tsoge ya ba bjang? Ga go yo a fago šedi ye e itšego go Yena.

<sup>190</sup> Eupša mmalegogwana yo monnyane, (oo, nna) mosadi wa tumo ye mpe, o diregile go feta kgauswi, mohlomongwe o—mohlomongwe o be a . . . Ga go motho ka toropong. Yo mongwe le yo mongwe o be a ile moketeng wo, batsebalegi bohle, kafao kgwebo ya gagwe e be e šokiša. Kafao, o hweditše. “Ke eng sohle se godimo mo, go ye, godimo mo ntlong ya Mofarisei, e ka ba eng?” Kafao o ile godimo kua, gomme go molaleng go lebelela ka lenga la legora, a lebelela go dikologa. “Oo, nna!” O diregile go lebelela godimo ka khoneng. O Mmone a dutše godimo kua, ka hlogo ya Gagwe fase, maoto a ditšhila, molala wa go palega, a sa amogelwa, ga go yo a fago šedi ye e itšego go Yena.

<sup>191</sup> Eupša go be go utollotšwe go yena. Oo, ke kgona go mmona a fogohla mahlo a gagwe, le go re, “A ke Yena? Yoo ke Monna yola wa go swana yoo a pholosítšego mosadi feela boka nna, nako ye nngwe, ge a be a rakilwe ke kereke yela, gomme ba be ba eya go mo kgatla go iša lehung. Gomme O rile, ‘Mosadi, ba kae babegi ba gago?’ Yoo e swanetše go ba Yena.” Le a bona? Tumelo e tla ka go kwa, gomme e utollotšwe go yena gore yoo e be e le Yena.

<sup>192</sup> O rile, “Eupša, lebelela, Yena ga a amogelwa. O na le maoto a ditšhila. Nka dira eng ka yona? Ke nna mosadi, gomme ge nka direga go ya ka kua le go bolela se sengwe, gobaneng, ba tla—ba tla ntahlela ntle kua godimo ga tšona ditšhipi. Bjale, ke nna mo—ke nna mosadi wa tumo ye mpe, gomme O—O tla tseba ke be ke le tumo ye mpe. O tla tseba ke be ke le mosadi yo mobe, kafao nka dira eng ka yona?”

<sup>193</sup> Ke kgona go mmona a retologa, a sepela tikologong, a re, “Oo, ke swanetše go dira se sengwe. Yena ga a amogelwa. Eupša Sengwe se utolla go nna gore yeo ke tsela e nnoši yeo nka tsogego ka ba le Bophelo.” Ke lena bao. Oo, ngwanešu. “Ke nyaka go bona se se lego ka Sephuthelwaneng sela. Ke a tseba go na le Sengwe ka kua se se tla lebalelago dibe tša ka. Le ge ke le mmalegogwana, le ge ke le yo mobe, ke nyaka go lebelela ka go Sephuthelwana sela sa Krisemose. Ke a tseba go na le Sengwe ka kua bakeng sa ka.”

<sup>194</sup> Go na le Sengwe go yo mongwe le yo mongwe. Yeo ke nnete, mogwera modiradibe. Go na le Sengwe go lekempolara. Go na le Sengwe go moaketši. Go Sengwe go motho yo mongwe le yo mongwe. Go Sengwe ka Sephuthelwaneng sela sa Krisemose, go wena. O se ke wa Se lahlela ka thoko. Ka fao Mofarisei, lešilo la setseketske, o tšere magadigadi gomme a lahla Mpho! A selo sa go šokiša!

Šo O a tla. O dutše godimo kua.

<sup>195</sup> Gomme mosadi yo monnyane yo wa go šokiša, mohlomongwe o ya tlase ntlong moo a dulago, o ya godimo ga materapo a kgale a go tswinya godimo kua. A obeletša ka meletseng ya gagwe, goba

se sengwe le se sengwe gomme a hwetša tšelete. O rile, “Oo, nka kgona go dira eng? Bjale ema motsotso, bokaonana ke bee ye morago, gobane O tla tseba gore ke—ke nna mosadi wa tumo ye mpe. Eupša ke kholofelo ya ka e nnoši, ke selo se nnoši nka kgongago go se dira. Ga se ke laletšwe moketeng wola, eupša go le bjalo ke swanetše go ya go Yena.”

<sup>196</sup> Oo, ke duma ge batho ba ka kgona go bona seo bošegong bjo. Etlang go Yena, goba le senyege. E dira phapano efe, o bitšwa “mopshikologimokgethwa,” goba go lahlelwa ntle, goba eng sa phapano? Fihla go Yena. Fihla go Yena, yeo ke kholofelo ya gago e nnoši.

<sup>197</sup> O ile tlase, a tsea se. Ke kgona go bona o tee, baisa bale ba Bajuda tlase kua, a re kgwebo e be e le ye mpe, a dutše morago kua, a bala tšelete ya gagwe. Yo mongwe le yo mongwe o ile moketeng, le se sengwe le se sengwe. Mosadi yo o sepeletše ka gare. “Gabotse, o dira eng ka mo?” O tšholletše denari ya Roma ntle godimo ga khaontara, e ka ba diripana tše masometharo tša yona. “Aa-ha! O nyaka eng, mohumagadi?” Le a bona, seo se e dirile go fapano. O bone se a bego a le sona; eupša ge a bone o be a ne tšelete tsoko, yeo e a fapano. Le a bona? Leo ke lefase, lehono. O na le tšelete, o motsebalegi yo mogolo. Ge o se nayo, ga o—ga o selo. “Oo, yeo e a fapano. O nyaka eng?”

<sup>198</sup> “Ke—ke nyaka se sekaonekaone, senkgišamonate se sekaonekoane o nago naso. Ye ke yohle ke nago yona. A nke ke e bale, diripa tše masometharo. Go be go le masomenne.”

“Oo, ee, yeo e tla reka lebotlelo le thwi fa, le lekaonekaone.”

“Ke a le nyaka.”

“O ra gore o nyaka go reka oli?”

“Ke a e nyaka. Ke nyaka lebotlelo lohle lela.” Ke sohle a bilego le sona.

<sup>199</sup> Seo ke se o swanetšego go se dira, ngwanešu. Go bitša sebe se sengwe le se sengwe o nago naso. Go bitša se sengwe le se sengwe. Eupša rata go se neela.

<sup>200</sup> Kafao o khukhunetše legoreng. Ke kgona go mmona a lebeletše ka kua. O Mmona a dutše kua, a sa ntše a se a kgwathwa. Gomme Mofarisei modiša godimo kua o sa bolela metlae ya gagwe ya ditšila le dilo, godimo kua le bohole ba bona, go ya pele, go bolela ka selo se sengwe se segolo felotsoko, go se tsebe, a sa hlokomele go Morena wa ren—a wa ren a yo bohlokwa. O rile, “Nka kgona bjang go tsena ka gare?” Kafao bjale ke mmona a ngwegela ka gare gabonolo ka kgontha, a emeleta moo A lego ka mokgwa woo. Gomme o lebeletše godimo go Yena. Ke kgona go mmona ka megokgo e kitima go theoga sefahlego sa gagwe, le mahlo a gagwe a magolo a matsothwa a lebeletše godimo go Yena ka mokgwa woo. Gomme o šikintše lebotlelo, a

roba settolo, a se tšhela godimo ga maoto a Gagwe. O be a sa ye go dumelela Jesu go dula ka maoto a ditšhila.

O re, “Le nna ke be nka se ke.”

<sup>201</sup> Gobaneng o sa dire se sengwe ka yona gona? O na le leina le lebelebe kudu le lego ka nageng lehono, “mopshikologimokgethwa, lehlanya la bodumedi.” Gobaneng o sa dire se sengwe ka yona? Tsoga gomme o re, “Ke tla tšeа tsela le banyatšiwa ba se bakae ba Morena. Ke loketše go amogela Sephuthelwana sela.”

<sup>202</sup> O tšholletše oli godimo ga maoto a Gagwe. Kamora ka moka e gotetše ka yona. E be e turwa.

<sup>203</sup> Ga go selo se sebotse kudu bakeng sa Jesu. Mo fe bokaonekaone bja gago. Mo fe se sengwe le se sengwe o nago naso. Bophelo bja gago, soulo ya gago, bowena bja gago, nako ya gago, tšohle tše o nago natšo, di fe Yena.

<sup>204</sup> Gomme o diregile go lebelela. O be a eme fale. Oo, nna! O tšholletše oli ye godimo ga ya Gagwe—godimo ga hlogo ya Gagwe. Ka gona a fihla fase maotong a Gagwe, gomme a thoma. Oo! A—a topa maoto a Gagwe, gomme a lebelela, a be a le ditšhila. O be a se na le selo. Ka gona o—o be a nagana ka dibe tša gagwe, gomme o rile, “Ka nnene, O, O tla—O tla nkahlola.” Kafao ge a beile oli godimo ga molala wa Gagwe, gomme a e fogohletša, nako yeo o fihlile tlase fale gomme a swara maoto a Gagwe.

<sup>205</sup> Gomme a wela fase. A thoma go lla, “Oo, ke nna modiradibe yo mobjalo, go ema pele ga Monna yo. Ke nna modiradibe yo bjalo.” Gomme o lebeletše godimo, gomme a gagwe a magolo, mahlo a mabotse. O naganne, “O—O tla nthagela ka ntle ga kamora ye.” Eupša, ga se nke A šutha. O nno dula le go mo lebelela. Oo, ke rata seo. O nno dula le go mo lebelela. “Oo, O tseba pelo ya ka. Ke kgona go Mo kwa thwi bjale a bala thwi fase ka monaganong wa ka. O a tseba gore ga ka loka. Ke a e tseba, Morena, eupša nka se kgone go ema go Go bona ka maoto a ditšhila. Ke no se kgone go e kgotlelela. Wena o kholofelo ya ka e nnoši. Nka se kgone go e kgotlelela.” A meetse a mabotse bakeng sa maoto a Gagwe, oo, dikeledi tša tshokologo! Oo! Oo! Mofarisei wa kgale o be a sa kgone go fa selo boka seo. Meetse, megokgo e kitima go theoga marama a gagwe.

<sup>206</sup> Gomme a thoma go a fogohla, gomme, “*a atla, a atla*” a atla maoto a Gagwe. Oo, E be e le Morena wa gagwe! A atla maoto a Gagwe. O be a se na le—o be a se na le toulo ya go a omiša ka yona. Kafao ke a thanka dikhele tša gagwe, o be a šetše a feditše, ka godimo ga hlogo ya gagwe, di swanetše go be di wetše fase, go kgabaganya. O tšere meriri ya gagwe, a thoma go—go phumula maoto a Gagwe ka yona, *a atla*, le go atla maoto a Gagwe. “Morena, O a tseba, *a atla*, Morena, O a tseba ke—ke modiradibe, ke—ke hloya go ba mo pele ga Gago ka mokgwa wo, eupša ga ke kgone go ema go Go bona ka maoto a ditšhila.” Oo,

nna! Jesu ka maoto a ditšhila, a sa amogelwa, go se katlo mo molaleng, ebile o be a atla maoto a Gagwe. “Morena! A *atla, a atla, a katla*, O Morena! O Morena, ke—ke—ke nna modiradibe, a *atla, a atla*, O a tseba ke yena, Morena.”

<sup>207</sup> Gomme e ka ba ka nako yeo, Mofarisei wa kgale o retologile go dikologa. “Huh!” O rile, “Bjale lebelelang godimo kua. Lebelelang godimo fale. Woo ke mohuta wa sehlopha se nago le Wola o bitšwago Moya wo Mokgethwa.” Le a bona? Ga se ba fetoga. “Lebelelang se O lego. Lebelelang ke mohuta ofe wa batho A tswalanago le bona. O bolela ka Moya wo Mokgethwa wola, le phodišo Kgethwa, Wona ke eng? Matlakala a toropo.”

<sup>208</sup> Nnete, ke yo O utolotšwego go yena. O tseba se se bego se le ka Sephuthelwaneng sela. O tseba nako e nnošinoši go feta nako e ka ba efe a ka tsogego a fihla e ka ba kae . . . O be a sa kgone go ya tlase go Mofarisei, o be a tla mo ragela ka ntla ga kereke; e sego ka go renke ya bona ya disosaaete. Eupša go be go le Sosaete bakeng sa modiradibe. Ke thabetše seo kudu. Go na le Lefelo moo modiradibe a ka tlago. Go na le Moreku ka Gileada, o tla fodiša ba ba gobaditšwego. O O hweditše. O be a nyaka go tseba Mpho yela, gomme o be a atla maoto a Gagwe.

<sup>209</sup> Mofarisei wa go tšofala o rile, “Aa-aa! Etlang mo, bašemane. Huh! Uh! Moprefeta wa lena šole. Le a bona? Ge A be a le mohuta e ka ba ofe wa Moprefeta, O be a tla tseba ke mohuta ofe wa mosadi yoo a hlapišago maoto a Gagwe. Lebelelang fale. Le bolela ka bohlanya? Go goboša ntlo ya ka.”

<sup>210</sup> Jesu ga se a ke a bolela lentšu, o nno ema gomme a bogela mosadi. Kafao ka morago ga nakwana . . . O tseba se Mofarisei yo mobotse a bego a se nagana, kafao O phagamile.

<sup>211</sup> Mosadi yola, ke kgona go mmona, “Oo! Oo, nako ya ka še—še. O—O—O, O tla—O tla nkahlola. O tla—O tla—O tla ntahlela ka ntla ga ntlo ye.” Ke Mmona a emelela, a lebelela ka mokgwa *woo*. O ikwela botse gabotse bjale; maoto a Gagwe a hlapišitšwe ka megokgo. O Modimo, tšea sa ka. Maoto a gagwe a hlapišitšwe ka megokgo ya tshokologo, pelo ya therešo. Le ge a be a hloka maitshwaro, bjalo ka ge a be a le bjalo, nako ye e nnoši a kilego a ba mothopong a bego a ka kgona go hlapišwa a hlweka. Fao, o dutše fao. Ka sefahlegong, Ke kgona go mmona ka megokgo e imetše fase sefahlego sa gagwe ka mokgwa *woo*, gomme se kgamathetše gohlegohle. Dikhele tša gagwe tšohle di lekeletše fase, le go tlala ka dikeledi le tšhila go tloga maotong a Gagwe. O be a eme fale, a makala, “Go ya go direga eng? O tla ntahlela ka ntla. O tla ba le bona ba ntlhokomela ka kgolegong bakeng sa go tla ka mo.”

<sup>212</sup> O eme, ka mokgwa *wola*. O rile, “Simone, ke na le Lentšu go bolela go wena. O Ntaleditše go ntlo ya gago. Gomme ge Ke tsena ka gare, ga se wa tsoge wa Mpha meetse e ka ba afe bakeng sa maoto a Ka. Nkabe ke itlhapišitše Nna Mong, eupša ga se wa

tsoge wa Mpha meetse.” O Modimo! “Ga se nke wa Mpha oli, go tlotša molala wa Ka ka yona, ge o be o eswa. Ga se o dire seo, Simone. Ebile ga se wa Nkatla le go Ntira go amogelega. Eupša mosadi yo, o hlatswitše maoto a Ka ka megokgo ya gagwe. Gomme o atlide maoto a Ka, gomme ga se a kgaotša go e dira ge e sa le a etla ka mo. Ke na le dilo di se kae kgahlanong le wena, Simone. Eupša yena . . .” (E be e le Moprefeta, goba aowa?) “Ke re go yena, dibe tša gagwe tše dintši di lebaletšwe.” O Modimo!

<sup>213</sup> E be e le eng Yona? O hweditše se se bego se le ka go Sephuthelwana sela sa Mpho. O hweditše go be go le lerato. O hweditše go be go le tebalelo. O be a bone Seo. Oo, ka fao a bonego Mpho ye bohlokwa yela ya Modimo e šoma godimo ga gagwe! Ka fao go swanetšego go be go mo dirile a ikwele ge a bone gore Mpho ya Modimo e be e katološeditšwe go yena! Dibe tša gagwe di ile tša lebalelwā.

<sup>214</sup> Ka fao Baraba a swanetšego go be a ikwetše letšatši lela! Le tseba Baraba, kanegelo. Baraba ke mohlokamolao yola yo a swerwego, gomme o ile a bewa fase ka dithapong, o be a eya go hwa mosong wo o latelago. O be a le lehodu. O be a le mohlokamolao. O be a le mmolai. O be a le mosenyi. Gomme bošego bjohle botelele a sepelela godimo le fase kgolegong yela, a goga moriri wa gagwe, ka gore, mosong wo o latelago o ile sefapanong, kotlo ya lehu. O be a tla hwa. Ka fao dikatapowana di fetilego godimo ga gagwe bošego bjoo! Ka fao a bego a sa kgone go khutša!

<sup>215</sup> Gomme mosong wo o latelago, go se difihlolo goba selo, a tseba madi a gagwe a tla be a phintshanywa boka magareng ga diphiri. Gateetee, o kwa diketane di lla. [Ngwanešu Branham o ekiša masole a matšha—Mor.] Ke mogato wa masole. Mo go tla ba bane goba ba bahlano, gomme mohlomongwe se—se sekgao sa masole a Roma, marumo a benyabenya, ba sepelela godimo kua. Moletakgolego yo mogolo o ile a retolla dikgonyo, gomme a re, “Sepelela ntile, Baraba.”

“Oo, o se ke wa mpolaya! Eba le kgaogelo!”

“Baraba, ga go selo sa phošo. O lokologile.”

“Ke nna eng?”

“O lokologile.”

“Ke tlile bjang go lokologa?”

<sup>216</sup> Yo mongwe o šupile godimo ka tsela *yela*. Se se swanetšego go be se be se era Baraba, ge a bone Mpho e tšere lefelo la gagwe ka lehung. Ke ikwetše tsela ya go swana, Mpho ya Modimo e tšere lefelo la ka ka lehung. Ka fao, lehodu le le hwago godimo ga sefapano, le kokotetšwe godimo kua:

Lehodu le le hwago le thakgetše go bona  
 Mothopo wola ka letsatšing la gagwe;  
 Fao a nke le nna, le ge ke le mobe bjalo ka yena,  
 Ke hlatswe go tloša dibe tšohle tša ka. (Ee.)  
 Ge e sa le ka tumelo ke bone Moela wola, (o  
 utollotšwe go nna,)  
 Dintho tša Gago tša go ela di o filego,  
 Lerato la go lopolla e bile kgwekgwe ya ka,  
 Gomme e tla ba go fihla ke ehwa. (Yeo ke nnete.  
 Oo!)

<sup>217</sup> Go tswaleleng, go ka bolela se. Lehono, Krisemose e ra khathuni ya Dikamela, khathuni ya Viceroy, lebotlelo la Four Roses goba Seagram, le phuthetšwe ka go pampiri ye botse ya Santa Claus. Eupša ba sa gana Mpho ya Modimo ya Krisemose. Ba sa gana Mpho ya Gagwe ya Krisemose. Ga ba E nyake.

<sup>218</sup> Ke a E nyaka. Ke thabile ke E amogetše. O Imanuele, Modimo a dirilwe nama le go dula magareng ga rena, a gannwe le go ahlolwa, gohle go theoga go kgabola mabaka, gomme kgaogelo ya Gagwe e katološetšwa lehono go pelo ye nngwe le ye nngwe yeo e tla Mo amogelago.

A re inamišeng dihlogo tša rena feela nakwana.

<sup>219</sup> Ke a makala, bošegong bjo, ka moagong wo, ka nako ye ya Krisemose, segopotšong e ka ba mengwaga ye dikete tše pedi ya go feta, ge Modimo a file Mpho ya Krisemose ya mathomo. Ke a makala, bošegong bjo, ge o ka rata go lebelela ka gare ga Sephuthelwana sela gomme wa bona, modiradibe, gore ga go yo Mongwe ka kua Yo a go ratago, Mongwe Yo a go hwetšego, Mongwe o file bophelo bja Bona? A o ka rata, bošegong bjo, go tšeа lešela la go potoka go tloga go Yena, lešela lela la ditšila leo ba Mmitšago, “lehlanya le mopshikologimokgethwa,” wa iphuthela wenamong ka go lona, gomme o tšeа tsela le banyatšiwa ba se bakae ba Morena?

<sup>220</sup> Ge o le ka moagong, bošegong bjo, o rata go gopolwa ka thapelong, a o ka no phagamiša seatla sa gago, wa re, “Ka bošegong bjo bja Krisemose, ke nyaka go amogela Mpho ya Krisemose ya Modimo, Mpho ya Modimo ya therešo ya Krisemose”? Modimo a go šegofatše, mohumagadi. Modimo a go šegofatše, mosetsana. Modimo a go šegofatše, kgaetšedi. Modimo a go šegofatše. Modimo a šegofatše mohumagadi yo moswa fao. Ya. A go ka ba ba bangwe gape, ba ratago go gopolwa ka thapelong? “Morena . . .” Modimo a go šegofatše, ngwanešu.

<sup>221</sup> Yo mongwe gape, “Morena, ke tla tšeа tsela. Nka se tsoge ka Go bona o dutše ka maoto a ditšila, le gona. Nka se tsoge ka ema . . . Ke tla tšoenana le bona. Ke tla tla thwi ka Mmušong wa Modimo. Ke tla—ke tla ba yo mongwe wa bona yoo a nyaditšwego. Dula le nna, Morena. Etla, eya gae le nna, bošegong bjo. Ke tla hlatswa go tloša tšila yohle go tloga Leineng la Gago.

O hlatswa go tloša dibe tša ka, Morena, a nke ke phele Bophelo, e sego ka tsela ye ke dirago bjale; ke a Go tšhilafatša. Ke—ke a Go tšhilafatša, letšatši le lengwe le le lengwe, ke bea bontši godimo ga Gago. A nke ke tlogue, bošegong bjo, Morena, le ka megokgo ya ka ya tshokologo, bjale ke tla ka go kokobela mo leotong la sefapano, go Go amogela bjalo ka Mophološi wa ka.” A go na le yo mongwe pele re rapela? E no phagamiša seatla sa gago. Go lokile.

<sup>222</sup> Morena yo bohlokwa, re tliša go Wena, bošegong bjo, go bonala o ka re e be e le basadi ba se bakae, bošegong bjo, Morena, bao ba phagamišitšego seatla sa bona. Mohlomongwe le bona ba ka kgona go lebelela fase... Ba bangwe ba bona ke basetsana ba baswa, feela batšwamahlalagading, bao ba phagamišitšego diatla tša bona. Bona, ba ra seo, Morena. Ga ba—ga ba nyake go ahlolwa le lefase. Ba nyaka go Go amogela bjale, nako ye ya Krisemose, go lebelela ka Sephuthelwaneng sa Modimo, le go amogela Bophelo bjo Bosafelego. E fe, Morena, feela bjale, gore O tla bula go bona tebalelo ya dibe tša bona, gore O tla bula go bona Mothopo ka ntlong ya Dafida, wo o butšego sebe le go se hlweke, moo badiradibe ba phonkelago ka tlase ga lefula, ba tlogwa ke patso yohle ya molato wa bona. E fe, Morena. Eya gae le bona, gomme o dule le bona, bošegong bjo, Morena. Dira bophelo, bakeng sa bona, se bo swanetšego go ba, Morena. E fe.

<sup>223</sup> Fodiša balwetši le batlaišwa magareng ga rena. Wena o Thušo ya bahlokathušo. Wena o Yena, Morena, Yo a kgonago go dira moo ba bangwe ba sa kgonego go dira. Wena o Mogau wa go dula. Wena o Mpho ya Modimo. Gomme ka go kokobela re dumela Wena, Morena. Re latela Naledi ya Letšatši, re latela Seetša go fihla Se re etellapele go ya go Seetša sela sa go phethagala, Mpho ya Modimo, Bophelo bjo Bosafelego, ka kolobetšo ya Moya. E fe, Morena. Ke ba neela go Wena bjale. Leineng la Jesu Kriste, tšea disoulo tša bona bošegong bjo, gomme o di hlatswe ka Mading a mahubedu a Khalibari. Ka gore re e kgopela Leineng la Jesu. Amene.

Morena, dula le nna.

[Ngwanešu Branham o hama *Dula Le Nna*—Mor.]... šitwa go nkhomotša;  
Ka bophelong, ka lehung, O Morena, dula le nna.

<sup>224</sup> A o a Mo rata ka pelo ya gago yohle? Gatee gape, bakeng sa nako ya kgale, “Ke a Mo rata, ke a Mo rata gobane O nthatile pele.” Yo mongwe le yo mongwe bjale.

Ke a Mo rata  
Gobane O . . .

A re phagamišetšeng diatla tša rena go Yena.

Gomme a lefela phološo ya ka  
Godimo ga mohlare wa Khalibari.

<sup>225</sup> Bjale, ke nyaka le šikinye diatla le yo mongwe ka pele, le morago, le lehlakore la gago, bjale.

Ke a Mo rata, ke a Mo rata  
 Gobane O nthatile pele  
 Gomme a lefela phološo ya ka  
 Mo wa Khalibari . . .

<sup>226</sup> Bohle bao ba amogetšego Mpho ya Krisemose ya Modimo, phagamišang diatla tša lena bjale.

Ke a Mo rata, ke a Mo rata  
 Gobane O nthatile pele  
 Gomme a lefela phološo ya ka  
 Godimo ga mohlare wa Khalibari.

<sup>227</sup> A ga le Mo rate? A Yena ga a makatše? Go lokile, ge re ema bjale:

Tšea Leina la Jesu le wena,  
 Ngwana wa mahloko le madimabe;  
 Le tla go fa thabo le khomotšo,  
 Le tšee gohle mo o yago.

Leina le bohlokwa, O bose bjang! (O bose bjang!)

Kholofelo ya lefase le thabo ya Legodimo;  
 Leina le bohlokwa, (Leina le bohlokwa!) O bose bjang!

Kholofelo lefaseng le thabo ya Legodimo.

Ka go nokologa bjale:

Tšea Leina la Jesu le wena,  
 Bjalo ka kotse go tšwa molabeng wo mongwe  
 le wo mongwe;  
 Ge meleko . . . (Le dira eng ge meleko e kgobokana?) . . . kgobokana,  
 E no hema Leina le Lekgethwa leo ka thapelo.

Leina le bohlokwa, (Leina le bohlokwa!) O bose bjang! (O bose bjang!)

Kholofelo ya lefase le thabo ya Legodimo;  
 Leina le bohlokwa, (Leina le bohlokwa!) O bose bjang!

Kholofelo lefaseng le thabo ya Legodimo.

Leineng la Jesu . . .

A re inamišeng dihlogo tša rena bjale gomme re opele.

. . . khunamela,  
 Go wa go ikala maotong a Gagwe,  
 Kgoši ya dikgoši Legodimong . . .

Modimo a go šegofatše, Ngwanešu.



*MPHO YA MODIMO YE E PHUTHETŠWEGO* NST60-1225  
(God's Wrapped Gift)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena la Krisemose mosong, Desemere 25, 1960, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)